

Box. K. MFW 39 Room 202 C.1

جامعة بيرزيت

مركز الوثائق والأبحاث

القرى الفلسطينية المدمرة

مقياس 1:100,000  
عَيْن حَوْض



الأردن

تلفون: ٩٥٢٤٧١ / ١٠٤

تلفون: ٦٢٨٥٧٢

بیرزیت - ص.ب: ١٤

عَمَّان - ص.ب: ٩٩٤٢

SPC  
DS  
110  
.A4  
K3  
198  
BZU

C.3 B2u ١٠٠ # 76789

# جامعة بيرزيت

## مركز الوثائق والأبحاث


١- القرى المدمرة  
٢- عين حوض  
٣- القرى المدمرة - فلسطين

SPC القرى الفلسطينية المدمرة

قرى ١٠  
عين حوض

OS  
110  
A42  
K3  
1987  
B24

د. شريف كناعنة  
بسام الكعبي



سلسلة "القرى الفلسطينية المدمرة" مجموعة من الصور الاثنوغرافية للقرى الفلسطينية التي دمرت سنة ١٩٤٨-١٩٥٠ كما كانت في الاربعينات من هذا القرن. تصدر هذه السلسلة عن مشروع "توثيق القرى الفلسطينية المدمرة" في مركز الوثائق والابحاث بشكل غير دوري وتوزع على أسرة الجامعة والمختصين من اصدقاء المركز. الازاء الواردة فيها تعبر عن وجهة نظر كاتبها فقط.

تلفون: ١٠٤ / ٩٥٢٤٧١

تلفون: ٦٢٨٥٧٢

بیرزیتا - ص.ب: ١٤

عسّان - ص.ب: ٩٩٤٢

قائمة المحتويات

المقدمة

مقدمة

٢

الفصل الاول: التاريخ الشعبي للقرية

٧

الفصل الثاني: الحمايل والعائلات

٢٢

الفصل الثالث: القرية في الاربعينات

٣٠

الفصل الرابع: السياسة، الحروب، الهجرة

٤٧

صور من عين حوض

٤٢-٣٦

ملخص بالانجليزية

٥٩

خارطة القرى المدمرة

٦٠

### مقدمة

"عين حوض" هي الاولى في سلسلة "القرى الفلسطينية المدمرة" والتي تصدر عن "مشروع توثيق القرى الفلسطينية المدمرة".

عند بداية الحرب سنة ١٩٤٨ كان في فلسطين ٨٠٧ قرى ومدن عربية . وقعت ٤٧٩ من هذه القرى والمدن ضمن المنطقة التي احتلتها اسرائيل أثناء تلك الحرب . وقد دمر من هذا العدد بين ١٩٤٨-١٩٥٠ ما يزيد على ٣٧٠ قرية . وقد تفاوتت درجة تدمير المباني والعمران من موقع الى آخر . ففي بعض القرى مثل عين حوض قرب حيفا وعين كارم قرب القدس بقيت معظم البيوت قائمة كما هي وسكنتها عائلات يهودية بعد ان اُخليت كليا من سكانها الاصليين من العرب الفلسطينيين . وفي حالات اخرى ما زالت بعض جدران البيوت قائمة وبعض معالم القرية ظاهرة . ولكن الاكثريه الساحقة من هذه القرى أبيدت ومُحيت من الوجود وأقيمت مكانها مستعمرات اسرائيلية أو حرثت مواقعها واستعملت كأرض زراعية أو زرع الموقع بالاشجار الحرجية ، ولكنها تشترك جميعها في أنها دمرت وأبيدت كمجتمع انساني محلي .

بعد سنوات قليلة سيكون السكان الذين هُجروا من تلك القرى وهم في سن النضوج، قبل ما يقارب الاربعين سنة ، سيكونون قلّة يصعب العثور عليهم، ومع ذلك الجيل ستضيع المعلومات عن تلك القرى وستصبح مجرد أسماء على الخرائط القديمة . مشروع "توثيق القرى الفلسطينية المدمرة" يهدف الى جمع المعلومات من الناس الذين عاشوا في تلك القرى وعرفوها بصورة مباشرة، ثم تنسيقها وتدوينها لكي نحفظ للاجيال القادمة الهوية الخاصة والشخصية المميزة لكل قرية .

نحن نعلم أن هذا مشروع ضخم وقد يتألب على المشروع عدد من الاسباب والظروف تحول دون انجاز قسم كبير منه . لهذا



السبب اخترنا أن نبدأ بعدد من القرى من نواح مختلفة من البلاد كي يكون ما نتمكن من انجازه مهما قلّ ممثلاً لأوسع قطاع ممكن من المجتمع الفلسطيني في الأربعينات من هذا القرن. وقد وقع اختيارنا على قرية عين حوض من لواء حيفا وسلمة من لواء يافا وعنابة من لواء الرملة ودير ياسين من لواء القدس والدوايمة من لواء الخليل والمجدل من لواء غزة كأول مجموعة من القرى المدمرة نعالجها في إطار هذا المشروع. والكتيب الذي بين يديك هو باكورة هذا الجهد.

تقع قرية عين حوض على السفح الغربي من جبل الكرمل وعلى مسافة ١٨ كم إلى الجنوب من مدينة حيفا و ٥ كم من شاطئ البحر. كانت عين حوض حتى سنة ١٩٤٨ قرية عربية صرفة وكان عدد سكانها حسب احصائية سنة ١٩٤٥ حوالي ٦٥٠ نسمة ومساحة أراضيها ١٢٦٠٥ دونمات نصفها تقريبا أراضي زراعية. والداخل إلى القرية الآن قد يخدع بمظهرها لأول وهلة ظاناً أنها ما زالت قرية فلسطينية عربية تقليدية، ولكن عند السير في شوارعها والاقتراب من منازل سكانها سرعان ما يجد أن السكان الذين يعيشون في تلك البيوت العربية التقليدية هم من اليهود الأوروبيين، وأن ساحات البيوت مزينة بتماثيل الحيوانات وتماثيل النساء العراة، وأن مسجد القرية لا يستعمل للصلاة بل قد أصبح مقصفا وخمارة ومعصرة القرية أصبحت معرضاً للوحات الفنية، وأن المنازل التي لم تُرق للفنانين اليهود مهجورة خاوية.

لقد وجدنا صعوبات جمة في جمع المادة المنشودة من أهالي عين حوض منها تشتت أهلها في نواح مختلفة من البلاد وخارجها ونغياب عدد من العمائل بشكل كلي بحيث صعب التعرف على شجرة العائلة لتلك العمائل وعجزنا عن الحصول على أسماء الذين ولدوا بعد سنة ١٩٤٨ للعائلات الموجودة خارج البلاد. إلى أفراد تلك العمائل والعائلات نقدم اعتذارنا ونؤكد لهم أن أي نقص أو هفوات في المادة الموجودة في هذا الكتيب لم تكن



مقصودة بل جاءت نتيجة الصعوبة في الحصول على ما هو أكمل وأفضل، أملين من كل من يلاحظ أي خطأ أو نقص أن يزودنا بالمعلومات الصحيحة كي نتمكن من إدراجها في طبعة قادمة .

ومن الصعوبات التي واجهناها أيضا تردد أولئك الذين قابلناهم عن الإدلاء بالمعلومات، إما لخوفهم من الإساءة والاحراج للأخرين من أهل قريبتهم أو - في أغلب الحالات - لخوفهم من امكانية التعرض للعقوبات من قبل السلطات الاسرائيلية . لهذه الاسباب واحتراما لشعورهم ورغباتهم فاننا سوف لا نعزى الاقتباسات أو تفاصيل المعلومات الى أشخاص محددين بالذات بل سنذكر أسماء جميع الذين ساعدونا بتقديم أهم المعلومات ثم نعزى المعلومات التي ترد في هذا الكتيب الى أهالي القرية ككل .

لقد قمنا باجراء مقابلات مقتنة مع عدد من أهـل القرية كما تحدثنا لمدد متفاوتة مع عدد كبير منهم . وقد جرى جمع المعلومات الموجودة في هذا الكتيب خلال أشهر شباط وأذار ونيسان من سنة ١٩٨٥ . وكان من بين الذين تكرموا بتزويدنا ببعض المعلومات كل من :

محمد محمود محمد عبد السلام (أبو فاروق)	مخيم جنين
رشاد رشيد عبد السلام (أبو جهاد)	مخيم جنين
أحمد الشيخ داوود (أبو عمر)	الناصرية
عاصم محمد أبو الهيجا	كفر أبو الهيجا
محمد أبو الهيجا	كفر أبو الهيجا
علي محمود عبد الهادي	كفر أبو الهيجا
يوسف محمود عبد الهادي	كفر أبو الهيجا
عبد الرازق مرعي الحسن (أبو أشرف)	مخيم جنين
عبد السلام أسعد عبد السلام (أبو محمد)	مخيم جنين
مصطفى محمد المصطفى (أبو العبد)	مخيم جنين
أياد رشاد عبد السلام	مخيم جنين





## الفصل الاول

### التاريخ الشعبي للقرية

تتباين وجهات نظر أهالي "عين حوض" حول أصل التسمية لقربتهم، ويعتقد الاكثريّة بأن الاسم قديم ويعود الى مئات السنين، ويرتبط بوجود نبع في منطقة تسمى "الوسداني" جنوب شرقي مركز البلدة القديمة، وأنه كان بالقرب من هذا النبع حوض للماء "كان الاهالي بيغرفوا المية من العين ويديروها في الحوض عشان يشرب الطرش" وحسب هذا الاعتقاد تكون القرية قد اکتسبت اسمها من خلال العلاقة بين الحوض والنبع فأصبحت تعرف بـ "عين حوض".

ويعتقد أحد متعلمي القرية بأن الاسم جاء من العلاقة بين الجميل والعين "كان في البلد عين مية، وكانت المية عميقة، كان الجمل يدخل في مية العين تصل المية لحوضه وعشان هيك سموها عين حوض".

ويرى أحد شبان القرية بأن اسم البلد يرتبط في موقعها "البلد موجوده على رأس تلة، وشكلها من بعيد جاي زي العين والمنطقة إلی حولها بتشبه الحوض ومن هيك سموها" وتطرق أحد السكان الى أن أصل التسمية يعود الى "دير كان موجود في البلد من زمان وهذا الدير كان عقيد متوسط عاشت فيه أسرة من البلد" ولكنه لم يعرف ما طبيعة العلاقة بين الدير واسم القرية.

في السجلات البريطانية كانت القرية تعرف باسم "Ein Houd" ولا زال الاسرائيليون يستخدمون هذا الاسم منذ عام ١٩٤٨ وحتى الآن. وهذا الاسم يشمل كل المنطقة التي كانت تتبع للقرية وتقع في نطاق حدودها، لكن تم استبدال اسم القرية، كمباني وسكن، وأصبحت تعرف باسم "كفار أومنيم" أي "بلدة الفنانيين". وقد سميت بهذا الاسم لان عددا كبيرا من الفنانيين اليهود سكنوا فيها بعد عام ١٩٤٨، وفي شرق مركز بلدة عين حوض الاصلية أقام الاسرائيليون مركزا للسياحة أطلق عليه بالعبرية اسم "نير عتصيون".

يعتقد أهالي عين حوض أن تاريخ تأسيس البلدة يعود الى "أبو الهيجا" وهو أحد القادة المشهورين الذين جاءوا مع حملة صلاح الدين الايوبي لاستعادة الاراضي المقدسة من أيدي الصليبيين، ويقال أنه عندما كانت تطول مدة حصاره لأحد المواقع الصليبية، كان أبو الهيجا يغادر الموقع تاركا وراءه أحد أبنائه وبعضا من جيشه ويتجه الى موقع آخر. وامتازت القرى التابعة لأل أبو الهيجا والتي بنيت على هذه المواقع فيما بعد، بانها أماكن حصينة ومرتفعة وأنها، كما كتب أحد أبناء القرية، تقع مواجهة لمواقع وقلاع





طيبية ، عين حوض تقابل موقع عتليت البحري الحصين ، وكوكب أبو الهيجا —  
تقابل موقع عكا البحري ، والحدثة وسيرين تقابلان كوكب أبو الهوى المطل على  
غور الاردن .

ويقال بأن صلاح الدين الايوبي كان "بجاري أبو الهيجا ، ويعطيه  
أرض مقابل انتصاراته على الصليبيين ، وكان كل ما فتح بلاد يعطيه مقابل  
تعبه " ويحكى أن صلاح الدين كان يردد دائما " اطلب تعطى يا أبو الهيجا " .

ويروى بأن "أبو الهيجا هاج في معركة حطين فسموه بهذا الاسم"  
ويعتقد بأن صلاح الدين الايوبي انتدب أبو الهيجا ليكون قائدا على الحملة  
الاسلامية . " ووصل صلاح الدين وهو يحفر سور حول القدس ، ويقولوا انه  
حملته اتعرضت لخسائر كثيرة ، وكان نذير هذه الخسائر انه كل ما فتح  
منطقة أو مدينة كان يعطيه قرية ، وأعطاه من القرى عين حوض ، سيرين ،  
الحدثة ، أبو رويس ، كوكب أبو الهيجا ، شعب ، ويقولوا انه أسس حوالي خمس  
قرى في منطقة الجنوب ، منها الريحية جهة الخليل ، وسكن هذه القرى قسم من  
أولاده وعشيرته وتوالدوا فيها ، وهذه القرى فيش فيها طابو لدار أبو الهيجا ،  
وهي وقف يتوارثها الابناء عن الاباء ، وكانت معفاة من الضرائب الحكومية ،  
حتى انو تركيا والانجليز ما كنتش توخذ ضرائب عليها لانها وقف اسلامي على  
أهل البلد وما كنتش فيها طابو مفروز لكل شخص " .

ويقول أهالي عين حوض بأن اسم أبو الهيجا الحقيقي هو "محمد السمين  
أبو الهيجا" ويعتقد البعض ان أصله كردي ، وانه كان أميرا على "أربيل"  
في العراق ثم التحق كقائد في حملة صلاح الدين لتطهير الاراضي المقدسة .  
"وهمه إثنين في بينهم قرابة" ، ولم يستطع الاهالي أن يحددوا بالضبط المكان  
الأصلي الذي ينتمي اليه أبو الهيجا ، يقال بانه من السعودية ، وإش يقول  
من العراق ، وإش من المغرب ، إش يقول إنه من قرية اسمها الخبو أو القبو ،  
وهذه بتقع بين ايران والعراق ، لكن أغلب الظن إنه كردي من أربيل بشمال  
العراق " .

ويجزم أحد السكان بأن "أبو الهيجا" من العراق قائلا "سنة ٤٨ لما  
هاجروا الناس من بلادهم وأجا الحيش العراقي على المنطقة وإتفرع ، بالجملة  
أجا على أربد ، طبعاً مخاتير القضا والبلاد بدهم يسلموا على القائد العراقي  
إللي خيم في أربد ، راح عبد الله السلطان مختار الطيرة ، قرية جارتنا ، وراح  
مصطفى السليم تبّع الحدثة ، أحد قرابنا ، راحوا على أربد ، لما وصلوا قام  
تبّع الطيرة زقط زلمتنا وقله : اتفضل يا أبو الهيجا ، القائد اللي قاعد على




مكتبه سمع كلمة أبو الهيجا، بعد ما جلسوا وشربوا القهوة واحترمواهم  
كثير، قلهم أنا سمعت اسم أبو الهيجا، مين منكُو أبو الهيجا، قلّه مصطفى  
السليم أنا يا سيدي، قلّه العراقي اعتبرني أنا ابن عمك، وقلّه احنا في  
العراق أمم كثيرة لكن بيسمونا الرباحية، وفي منطقة الجزيرة بيسمونا  
البعاجين، لانهم بشقوا الواحد بالحربة وبظلوا طالعين، عشان هيك سموهم  
بالبعاجين، والرباحية لانهم بيضربوا الريح".

ويقال بأن "أبو الهيجا" خلف ثمانية أبناء عاشوا في قرى مختلفة  
بفلسطين في منطقة اللطرون أسس خمس قرى، أنا ما بعرفها بس قرايبنا اللي  
في الاردن بيعرفوها، أنا متأكد من إنه الربحية من هذه القرى، بذكر انه  
قبل هجرة ٤٨ بفترة قليلة أجا ناس من قضا الخليل زرونا وتغدوا عنّا  
وناموا في بلدنا، وهذول جماعة ألهم لقات حمر ومزبطين، ظلوا عنا ليلة  
ليلتين بعدين رَوّحوا ع أمل انه نزورهم، وصارت النكبة هاي ومعدش حدا شاف  
حدا، وهذول يقولوا اسمهم الربحية، ويمكن يكون جدهم الاول من خلفه أبو  
الهيجا، زينّا احنا في عين حوض".

"بعدين يقولوا انه أبو الهيجا قرية اسمها 'بنامين' كانوا  
الناس بسموها 'الخشم' لانها كانت واقفة وقوف في الجبل، وهاي عبارة عن  
منطقة صخرية بتقع حد قيسارية من الشمال، ويمكن ظلّ لابو الهيجا ولد فيها،  
إيش بيعرفنا".

ويسود الاعتقاد بين أهالي عين حوض بأن اسم "أبو الهيجا" ومكانته  
التاريخية جعلت الكثير من القرى والمناطق تعترف به "حتى اليهود بيعترفوا  
فيه" وروى أحدهم قصة عامل عربي من دار أبو الهيجا كان يعمل في إحدى  
الورش الاسرائيلية بعد عام ١٩٦٧. "في يوم من الايام سمع يهودي، واحد من  
العمال العرب يقول لزميله ضب العدة يا أبو الهيجا، سمعه هذا اليهودي  
المغربي، فسأل مين أبو الهيجا، قلّه أنا، قلّه اليهودي، البعيد، اليوم مض  
النهار وبكره بدي أقعد أنا واياك، أجا العامل، وهذا من قرايبنا وهو  
إللي حكالي هذه القصة، أجا اليهودي وقعدوا مع بعض، وقلّه أنا، البعيد  
اليهودي، من المغرب، وكنت فقير أبعد ما يكون، يوم يجي العيد عند اليهود،  
أنا ما ألقاش، البعيد، إيش أكول، ويوم وأنا واقف بباب حانوت، مرّ عليّ  
واحد اسمه أبو الهيجا، قلّه مالك يا يهودي قاعد هون، قلّه والله ما في اشي  
عندي أكول، وقال انه طعماني، ومدّني، وكل ما كان عنده وقت كان يمّر عليّ  
ويشوفني ويطعمني، وهذا الزلما إللي من دار أبو الهيجا كان عنده قسول



أربعين خمسين سيارة باص، كان في موسم الحج يسيرهن لوجه الله، وهذه الحكاية بتثبت انه اولاد أبو الهيجا موزعين في كل مكان ووصلوا المفـرب سوريا وفلسطين وتوسعت معهم الخرافية حتى انو جزيرة الحمدانيين ومناطق حلب والموصل كانت الهم".

وأحضر أحد السكان قصاصة ورق، كان يحتفظ بها، تذكر شيئاً عن الدولة الحمدانية وكانت مكتوبة بخط اليد "هذه الورقة جبتها معي من قرايينا بالاردن لما رحنا على الحج، وصورتها ووزعتها على إالي بيقربولنا هون في المقيم" وكان مكتوباً فيها :

ذكر دولة بني حمدان، حمدان بن حمدون بن الحارث بن لقمان بن راشد بن المثني بن رافع بن الحارث بن عطيف بن حمزة بن حارثة بن مالك بن عبيد بن عدي بن أسامة بن مالك بن بكرين حبيب بن عمرو بن عنم بن ثعلب بن وائل بن قاسط بن هنب بن اقصى بن اغمى بن جديلة بن اسدين اكلب بن ربيعة بن نزار بن معد بن عدنان.

علي سيف الدولة هو ابن عبد الله أبو الهيجا بن حمدان المذكور أعلاه، وناصر الدولة هو أخ لسيف الدولة وأباهما عبد الله أبو الهيجا.

لابي الهيجا اليوم مقام يقع بالقرب من بلدة "كوكب أبو الهيجا" في الجليل، وقد أعيد ترميم المقام واصلاحه سنة ١٩٧٦ "جمعنا فلوس من كل ذرية أبو الهيجا في الاردن والسعودية ومنا هون في المقيم ومن دار أبو الهيجا إالي في الداخل، وصلحنا هذا المقام، يعني كل عيلة دفعت اللى عليها". وينال المقام قسطاً كبيراً من الاحترام بين أهالي المنطقة، ويقال بأن "أبو الهيجا" استشهد بعد معركة حطين الشهيرة بفترة قصيرة اثر اصابته بجراح بليغة، وقد دفن قريباً من الموقع الذي استشهد فيه، وفيما بعد تم دفن أحد أبنائه، وكتب على قبريهما "مقام أبو الهيجا وإبنه سعيد الكوكباني".

تمتاز عين حوض بموقعها الجميل المطل على البحر المتوسط، فهي تقع على تلة مرتفعة في سفوح جبال الكرمل وتبعد عن البحر خمسة كيلو مترات "بالمذكرة الانجليزية اللى بعثوها من لندن للمسؤولين في حيفا جا" فيها إنه عين حوض بلد استراتيجية تقع على قمة جبل، وترتفع عن سطح البحر مية متر، وسكانها بيعيشوا على الخروب والسمن والقمح والزيتون، وهي بلد عليّة عليّة قد ما بدك، فيش أعلى منها بلاد، وهذا الكتاب أجا بأواخر سنة ٣٩ وأكد إنه البلد اثرية تتبع لآبو الهيجا وتقع شرق عتليت، والكتاب لحق تنسيب العائلات في فلسطين، وذكر انه أقدم ثلاث عائلات في البلاد هم دار أبو الهيجا بقضا حيفا ودار أبو الرب بقضا جنين، والتيه والطربية في الجنوب، وبالخليل في حامولة ناسي اسمها، وهذا الكتاب أخذه واحد من قرايينا وبنعرفش هو مات هو طاب، ما بنعرفش".



للبلدة مساحة كبيرة من الأرض تبلغ حوالي ٢٤ ألف دونم من الاحراش، "حدودها تصل البر"، ويعتقد الاهالي أن السر في حجم هذه المساحة يعود الى "أبو الهيجا" إذ أنه هو الذي وضع حدودها النهائية "لما طلب الايوبي من أبو الهيجا تحديد قريته بيقولوا ضرب المحجانة والطيبة وصلن عند عتليت، وبهذيك المنطقة في جبال صخرية انطبعت عليهن الطيلة والمحجانة، وهذه الاثار موجودة لحد اليوم" هذه الرواية يرددنها أهالي عين حوض كثيرا، وتشكل القاسم المشترك لاعتقاداتهم بشأن حدود قريتهم "ويقولوا انه محجانة أبو الهيجا وطيبلته الاثر تبعهن موجود في منطقة بيسموها باب العجلة، وهذه اليوم منطقة عسكرية لا يمكن دخولها، هذه الاثار أصبحت حدود البلد، ومن يومها إنعرفت الحدود الغربية".

وأكد هذه الرواية أحد المعلمين من أبناء القرية "هذه القصة حقيقية وهي إشي من معجزات ربنا سبحانه بس احنا ما بنملك قدرة على اثباته".

يعتقد الاهالي بأن بريطانيا أيضا عرفت قيمة هذه الاثار، وقد أبدت حكومة الانتداب "تفهما" لاثار محجانة أبو الهيجا بأن ابتعدت عن المنطقة عندما كانت تشق طريقا ساحليا يربط بين حيفا ويافا "في الثلاثينات بالعهد البريطاني عملوا الانجليز بور حيفا يافا، وهمه بيضربوا الغام وصل الفجر قرب البلاطة اللي إمطبع عليها المحجانة والطيبة، طبعها المدير الانجليزي بلغه تبع الاشغال اللي هناك، أجا أمر من لندن، من لندن، إبعدوا عن المنطقة، وحوّلوا الفجر للشمال، واذا حدا بزور المنطقة بشوف العلامة الموجودة لحد هذا اليوم على الصخرة نفسها وما تغيرتش، ومن يومها انعرفت حدود عين حوض على البحر من جهة الغرب، ومن الجهة القبلية حجر السرج ومغارة الفرج، وادي فلاح من الجهة الشمالية، ومن الشرق كان بحدها العراق الاحمر وحجر الشقيف".

اشتهر من أحفاد أبو الهيجا في العهد العثماني رجل كان يسمى الحاج سليمان، وكما قيل كان أكثر أخوته علما ومركزا وسلطانا، فقد شغل في عهد الحكم العثماني مركز قائمقام في قضا عكا، وكان لذلك المنصب أثره في المحافظة على أهالي البلدة وممتلكاتهم من السطو والسرقة إذ خاف اللصوص من بطشه بهم. وتقول الروايات التي يتناقلها بعض من أهالي البلدة أن للحاج سليمان أختا تدعى "أم علي" كانت أكبر أخوتها، وقد رعتهم صفارا حتى كبروا، فيروى عنها أنها كانت تحضر طعام العشاء كل يوم وتطلب من المؤذن



أن ينادي في المتواجدين بين أحراش القرية ، يدعوهم لتناول الاكل ، فيهرع اللصوص فيتناولون عشاءهم ويخلطون من أنفسهم ويغادرون القرية دون المساس بها .

وقيل عنها أن أحد القادة العثمانيين في المنطقة أعجب بجمال "أم علي" وجاء خاطبا ، ولما خاف أخوتها الصغار بطش القائد رفضوا طلبه ، فأشارت عليهم بأن تقترن بامام القرية وتتزوجه فوراً . وعندما عاد القائد لسماع الجواب ذهل من المكيدة بردعه وعدم الموافقة عليه "ولكنها بذكائها واخلصها رفضت قائدا عثمانيا وفضت عليه أحد أبناء القرية وهكذا انبثقت عائلة خامسة في عين حوض دعيت دار علي اضافة الى دار الحاج سليمان ، دار ابراهيم ، دار أحمد ، دار عبد الرحيم" .

الروايات المتعلقة (بدار علي) هي موقع خلاف قديم بين أهالي عين حوض وما زال هذا الخلاف قائما حتى هذه الايام ، والحديث بهذا الموضوع ما زال يثير الكثير من الحساسية بين مختلف الاطراف في العائلة ولذلك كان من الصعب طرده بالشكل المطلوب ، فهناك قسم يقول أن المولود الخامس لحسام الدين كانت أنثى وعرفت فيما بعد باسم "أم علي" الصحيح انها كانت أنثى وإتجوزها واحد من أبناء أبو الهيجا ، أجا من غزة ، وعشان هيك هذول يقولولهم الغزاروة " هناك من يقول بانه لا أصل لوجود أنثى باسم "أم علي" بل هناك شخص ذكر يدعى علي هو الذي شكّل هذه العائلة "هذا من أبناء أبو الهيجا ، كان يملك خمس أرض البلد ، وكان معروف في البلد وكانوا الناس بيتشاوروا معاه عند الحاجة ، لو ماكنش من أولاد أبو الهيجا كان ممكن يملك هـذـه الأراضى؟" .

ونتيجة لهذه الخلافات بين الاجنحة المختلفة في دار أبو الهيجا ، ذهب الامر باحدى السيدات بأن تذهب الى عاصمة عربية حيث يعيش والدها واخوتها للاستفسار عن هذا الموضوع "قلتي أبوي إنه هذول مشري ما يقولوا غزازوة ، هذول دار علي مردهم في الاصل لدار أبو الهيجا واللي بدو بصدق يصدق واللي بدهوش بلاش ، والله وراني وراق بنتبت هادا العكي" .

عُرف عن عين حوض بأن سكانها كانوا "دراويش، بسطا مدينين لأنهم من نسل رجل تقي هو أبو الهيجا" وأصبحت القرية مركزا لتلقي العلاج من الأمراض التي كانت تصيب الاطراف في الانسان ، الأرجل والأيدي ، وأصبح المرضى من جميع القرى المجاورة يطونها لتأمين علاجهم ، وقد اشتهروا بهذا النوع من العلاج في عموم البلاد ، وكان يعرف هذا العلاج باسم "طُبُّ الريح ، هذا اذا برّيح



الانسان أو بصير عنده أرياح بيطبش الا اذا ضربناه بخفة على الوجع، كنا بندهن المريض بزيت وبنبخره من بخار الاعشاب اللي بنكون حاطينها على النار ويتكون بتغلي، والمريض كان يعرق كثير وكنا بنكمره وبنقرى عليه وبإذن الله كان بيشفى بيرجع لاهله معافى".

تقديم هذا النوع من العلاج لم يقتصر على الاهالي أثناء وجودهم في قريتهم بل أصبح المرضى يصلون الى المناطق التي يتواجد فيها دار أبو الهيجا بعد هجرة عام ٤٨٠ أنا بذكر انه أجوا اثنين من جسر الزرقا عند الشيخ أبو حلمي بكفر أبو الهيجا هون في الوسطاني، كانوا محملينهم، بعيد عنك، على حمار، وكانوا مش قادرين يمشوا، والشيخ أبو حلمي عالجهم. وقعدوا يومين ثلاثة في البلد وروحوا يمشوا، هذا الحكي كان في بداية السبعينات قبل ما يموت الشيخ بفترة قليلة".

وروى أحد أبناء أبو الهيجا، من سكان مخيم جنين، قصة عن هذا العلاج "أنا بذكر انه زمان جدي فايز لحقوا الدور وعالج ناس هون في المخيم أجوله من الزبابة كانوا ييجوله مرضى تعبانين مش قادرين يمشوا، كانوا يقعدوا يوم يومين في البيت حسب شدة مرضهم، وكانوا يروحوا مشافيين باذن الله، وما كنوش زمان بوخذوا فلوس أجرة العلاج لانه هذا اشى من الله سبحانه".

ويقال بأن الاهالي كانوا كرما، ويتسمون بالشجاعة "عن كرمهم ونفوتهم تسألش، كانوا كثير ييجوا على البلد فقرا كحيانين يروحوا معاهم خير كثير، البلد كان فيها خير من الله كثير، وأهلها كانوا كثير طياب، أما عن شجاعتهم فقد روى عنها الكثير، وتحدث أحدهم قائلا "كان في رعيان اثنين، وكان كل واحد معاه بقرات، وكانوا بعاد عن بعض، وهذا فى الشهر الرابع كانت تصير حشرة تهرب البقر، هرب عالول من ناحية لناحة، واحد قال للثاني حيق عليه، ازقطه، مسكه من زمعه شلع الزمع بايده وظل العالول رايح".

ويروى أحد أهالي عين حوض واسمه أبو العبد قصته مع الذيب بانسه، في صيف عام ١٩٢٦ هاجم ذيب مصعور، مصاب بمرض الصعر، سكان عين حوض والقرى المجاورة، وقد أصاب عددا من السكان، وتمكن أبو العبد باعجوبة من التخلص منه "بشهر أب سنة ٢٦ كنت ع العين أسقى المعزة، بعد ما اسقيت المعزة طلعت أكل تين على العين، أجا شخص ثاني اسمه هزاع الحمادة من البلد، ورد عنزاته في أثناء توريد عنزاته بعد ما خلص سقية عنزاته والا هو بنده علي" هي يا عمي مصطفى قتلته مالك قال الذيب هذكو، قتلته وينه قال منا وقبلة،



أنا حافي ومفرّج دشعت أركض قلت أنظره أحسن ما يقتله راس معزة والبلاد  
 راسين، بقى عند ما طلعت تواجبت شرقة غربة مافيش وأنا قطعت السواد ،  
 ملقنيش ، حامل حجربين في ابدي، في خروبة على جنب الواد بين العليق، ضربت  
 حجر على العليقة والا الذيب تحت العليقة الا هو دشع عليّ، عند ما دشع عليّ  
 بلشت ضرب حجار إيشي يصيبه وايشي يخطيه ، دشع عليّ شب عليّ حط ايد من هون  
 وايد من هون على كنفاهي بدو يدق بخناقني دفعته واركبت على ظهره جزرته  
 من رقبتنه ، الولد اللي على العين قريب مني، قام شرد وصار يدب الصوت، فيش  
 حدا غير احنا في الخلا، قعدت مدة تقريبا من نص ساعة وأنا أتعارك أنا  
 واياه بعدين دقيت في خناقه وهو يفاعص وشلخ في مواعيني دق في ابدي  
 الشمال، جرحني صاوبني قمت فلتنه وهو سحب حاله وغرب وأنا سحبت حالي ورحمت  
 على عنزاتي، بعد مدة في قبانا عرب شفونا واحنا ابنتعارك احنا واياه ،  
 قام أجا بقلوله عبد الرحمن أبو حرب ، بدوي من المنطقة ، قال مالك تنكاون  
 انت والجعاري هاظ، قتلته مش جعاري، هاظا ذيب، قال وين راح، قتلته غرب،  
 قتلته خذ العنزات وأنا بدي أروح لبين ما أودي أخوي، قال دشرهن وروح ،  
 أنا روحت ومرت على مية البلد والا هاظا ملقيني ثاني مرة في الطريق، في  
 حريم على العين وفي إولاد بتغسلوا في الغدران لانه واد جاري، قتلهم الذيب  
 هاظا دق فيه وابتعدوا عنو، قام الذيب طلع من بين الحرش وسند على فوق،  
 سحبت حالي وروحت على البلد، دريت أهل البلد، اظبطت هاللي بره ، الكل روح،  
 الساعة ثمانية بالليل والا دبّت الصوت قامت في ناطور في الزيتون، كان الزيتون  
 ظامنينه أهل الطيرة وحاطين فيه ناطور دشع عليه، لقوه جاي الذيب عليه  
 وهو نايم وامهشمه في راسه ووجهه ومهظنه من الحنجرة فوق ماكله أكل، جابوه  
 أهل البلد، في ثورة كانت ما يقدرش الواحد يتجول في الليل وبروح ويجي،  
 قالوا ما الراي، قالوا ابطوا لوكس وانزلوا على سجن عتليت قريب على البلد  
 ربع ساعة بس ، ظووا لوكس واخذوا الزلما على السجن هناك، هناك مدير السجن  
 أخذوا في الليل بسيارة السجن على حيفا على دائرة الصحة ، حطوه في المستشفى،  
 ثاني يوم أجا واحد من طرف الصحة علينا، بلغني إني أروح على المستشفى،  
 وفي أخرى واحد من بلدي من جماعتي الاخرى أجا عليه في العربة في الليل  
 نايم في المرج دق فيه من إجره من العرقوب، بالليل نفذ على المزار على  
 غفلة ما حدا بدرا فيه، دق في واحد اسمه عوض الطهبوش بذراعه اليمين، نفذ  
 على إجرم على أرض بقلولها الحنوز، زلمه نايم على ظهر الحابون وعنده إلبهيم  
 مربوط بجانبه ما استفاق إلی دابك على البهيم، ولك مين هاظا مين هاظا ،  
 جرحه في جبهته فوق عينه فقده ما لقيه ، وين طب ثاني يوم في صبارين،  
 أجا على ولد وبنت هشمهم جرحهم جروح بالغة ، قامت دريت أهل البلد وانظبت  
 الناس ما ظليش حدا ، في اختيار كفيف النظر، نظره شوية على قدّه ، وعنده



ولد، وأجت حُرْمته قَلْبُهُ يا زَلْمه هَسَه ما ظَلِيش حِدا رُوح جِيبِلنا شُوية تِبن وشُوية صَبر من العِماير في صَبارين، سَحِب حاله الزَلْمه وحِط ابْنه على البَهيْم وراح على العِماير، عِنْد ما وِصل هُناك قَعِد بِحُوش تِبن، مِعاَه صُناْرَة شَغْل الصَبر، وَهو بذيال التِبنَة تِواجِه على الصِبي وَالإِلا هو الذِيب دابِك في الصِبي، دَشَع عِليه وَصار بِضِرب فِبه بِالصُناْرَة، اِضْرِب طِبْش العِصاه عِليه، بَعْدِين تِناوِل حَجْر أَجاه في راسه كَانت هي القاضِية قَتل الذِيب، أَجا حَمَل الذِيب على البَهيْم وَرَكِب الصِبي وَرُوح على البَلد وَقَلْهَم خِذه، أَجوا هُناك أَهل البَلد أَعْلَموا فِيه شِرة زَمارين، أَخذتَه (الذِيب) الشِرة على زَمارين، من زَمارين أَخذوه على دائِرة الصِحة في حِيفا، وَمن حِيفا حَولوه على القُدس لِلفِحص، وَجدوه مِصْعُور، جَمَعونا الِلي هُناك الِلي دَق فِيهْم الذِيب، وَضِربوا كِل وَاحِد فِينا ١٤ اِبرَة بَعْد ما خَلصنا ال ١٤ اِبرَة رُوحنا، بَعْد مِدة تَقْرِيبا حَوالِي ١٥ يَوم، الزَلْمَة الِلي دَق فِيه الذِيب بِالزِيتون دَق فِيه الصِعر وَمات، وَالوِلاَد تِبعِين صَبارين الوِلاَد وَالبِنْت ماتوا، قاموا رَد طَلع الِنا تِبع دائِرة الصِحة وَقال بِدُكُم بُكْرَة تِناوِلوا على دائِرة الصِحة في حِيفا، اِنزَلنا الكِل مِنا، تِبع اِحْزَم وَتِبع المَزار وَاحِنا من عِين حُوض على دائِرة الصِحة، عَمِلولنا كِمان ٢٨ اِبرَة ثانياً ضِربونا اِياهن عِنْد ما ضِربونا اِياهم خَلصناهن، أَطَلَعونا لِلْمِعايِنَة، أَجا سِر طِبِيب الِلي هو مِدير الصِحة، اِنجِلِيزِي وَالدِكتور حِمزة دِرْزِي، وَصَفَّونا صَفاً، جابولنا كُبايَة مِية، قالولنا بِس كِل وَاحِد يُحِط مِلاَة بِقَه شُوية مِية، يَنْطِياها كِل وَاحِد لِلثاني، صِرت أَتِناوِلها أَعْطِياها لِزَمِيلِي وَلِلثاني وَلِلثالث، قَلْناله شو السِر من هَاظ، قال السِر من هَاظ الِلي بِيْطَبُ فِيه صِعر بِشُوف كُبايَة المِية بِخَمانها بِحِر بَدُو بِشَلح يُسَبِح بِالْمِية، بِقوا اِنْتو هَسَه الحِمْد لله فِيش اِيشِي وَعال ما تَخْفُوش، قَلْناله شو السِر هَاظِلاك الجِماعة طَب فِيهْم، قال هَظالِلاك طَب فِيهْم من الحُنْجِرة وَفوق عِبت، أَفِيش حِكْمَة اِلْهَم، الِادوية هَاي الِابِر بِتَقْدِرش تَقْتَله، اِمبالا من الحُنْجِرة وَتحت لو كان مِشَلْخُه شَقَف الِابِر بِتَقْتَل سَمه، نَط اسْماعِيل من البَلد قَله اَنَا يا سِدي بِسِدي أَتَجوز في عِنْدك مانِع، قَله اِتَجوز على عاتِقي وَلا يَكُون عِنْدك فِكر .

كانت القرية مشهورة بكثرة أشجار الخروب حيث كانت تغطي مساحات كبيرة من الاراضي، وكان الاهالي يصنعون منه "الدبس" و "الرب"، كل بيت كان يصنع هذا العصير، وهذا للصحة تمام وقد اشتهر خروبها بلذته ونكهته الطيبة، وكانوا يبيعونه في الاسواق بحيفا، واشتهرت البلدة أيضا "بالصبر" فقد كان يضرب المثل بجمال صبرها ونكهته اللذيذة ومذاقه، وكان يسوق بكثرة في المدن وكان يقال "ولا صبر عين حوض" وعن زيتونها تسألش، شافته البحارة التركية من البحر في المكبرات ومدندل على امه، حبة الزتون مثل حبة التمر، كانت احسن أرض زراعية أرض حمرا كانت تجبن، يا ريت لو يدفنوني فيها تمنى أموت .





كانت القرية تمتاز في موقعها المشرف على البحر، وكانت مثالا للموقع الصحي "أطباء" انجليز كانوا يجيوا ويمتدحوا موقعها، وكانوا يقولوا هذا المكان أحسن محل للصحة، الهواء نقي والمية نظيفة ومتوفرة. كانت مشهورة بأشجار الصنوبر والكينا الباسقة التي كانت تغطي مناطق عديدة وبعد هجرة عام ٤٨ استغل هذا الموقع لاقامة مكان للسياحة والاستجمام وأصبح يعرف باسم "نير عتصيون" ويقع نير عتصيون حاليا شرقي مركز البلدة الاصلى.

صحة السكان كانت "فوق العقل، اطلع عليّ أنا كيف، وشوف أبو جهاد ما شاء الله صحتهم، كنا بناكل مريح، وكانت نفوسنا مفتوحة وفي شهية للأكل مش مثل اليوم، وكان الناس يعمرؤا كثير، يا زلمة أنا بذكر ان حياة المختار أحمد المحمود خرف الناس قبل ما يموت انه مخاتير البلاد اللي حولنا كانوا يقدموا للحكومة الانجليزية إوراق فيها مواليد ووفيات، مضت سنتين ثلاثة أربعة، عين حوض ما سجلتش ولا وفيه، حطوا المختار تحت الامر الواقع، معقول سنتين ثلاثة ما يموت ولا طفل ولا اختيار كبير أو عجوز من البلد، معقول ما مات حدا، المهم عملوا للمختار محكمة، وكان وقتها مدير الصحة واحد اسمه، ظليان، هذا مسيحي، النتيجة جلس المختار في حيفا معهم وعزمهم على البلد، قلهم اللي بيموت في بلدنا احنا بنبلغكم عنه أول بأول واحنا مش كذابين، تفضلوا وشوفوا بانفسكم وإسألوا، والله بيقولوا يومين ثلاثة أجوا تبعين الصحة والحكومة الانجليزية، وطلعوا ببرموا حول البلد ومشارفها، واقتنعوا فيها، وأهل البلد أكرمؤهم وغذؤهم، وبعدين واحد قال للمختار ان هذه البلد أعلى من لبنان، ليش الناس بتروح تتعالج هناك ما تبجي تتعالج هون، الصحيح انه موقعها حلو كثير وصحي كمان".

قيل انه في مطلع العشرينات حضر أحد الفرنسيين الى البلد والتقط صوراً عديدة لمواقعها المختلفة "ظل في البلد أكمن يوم بعدين أخذ الصور معاه ووعدنا انه راح يبعثهن وما حدا شاف حدا بعدين" وقال الاهالي ان هذا المصور الفرنسي صور العديس من مواقع البلد وقد أبدى اعجابه فيها وقال "إنه بلادكم حلوة وكلها شجر وأثرية".

يشارك أهالي عين حوض غيرهم من المواطنين في الجليل لهجتهم المميزة، فهم مثلاً يؤنثون عند جمع الكلمات المذكورة فمثلاً يستعملون "هنه" بدلا من "هم"، "بدهن" بدلا من "بدهم" ... الخ. أما ملابسهم فلم تكن تختلف عن ملابس القرى المحيطة "أنا بعرف أبوي بهاي الملابس اللي هي القمبار" وفي المدن مثل حيفا وعكا كان من السهل تمييز أهالي القرى عن بعضهم البعض "تعون المزار زلام طوال، ماكنوش يلبسوا برجليهن".



ظهرت شخصية "أبو الهيجا" الجد الاول، كأسطورة تاريخية في حياتهم، فهم يروون عنه قصص شجاعته، وصلابة أبنائه، ودوره في تحرير الاراضي المقدسة، ولهذا عاش في ذاكرتهم قائدا ومناضلا فذا "بيقولوا انه اشتبك مع الصليبيين بين عشرين لثلاثين اشتباك، وكمان وحد مصر وبلاد الشام وساحل الجزيرة العربية" وهذا الارتباط بأبي الهيجا دفع أحد أحفاده الى أن يضع قصيدة شعرية يمتدحه فيها يقول:

على المدى وأبي بنو الهيجان  
ومنهم أبطال في أرض لبنان  
ومنهم رجال سكنوا أكناف حوران  
عز الحياة وعز الموت ايقان  
ياغ من الانس أو طاغ من الجان  
وخصمهم كان مهانا دنيا ودين  
وتفرقوا جميعا في سائر البلدان  
وقد حرروا فيما مضى فلسطين  
أرضا لهم ودورا لهم وأوطان  
ويا خالق السما بدون عمدان  
نرجع ونعمر أرضا لنا وأوطان  
فخر الوطن في عز أهله لو كان  
يا خالق العرش يا رافع البنيان  
واجمع شمل أصحاب وذلان  
ونعرف بائقا منهم وخوان  
مصدق عليه من بنى عثمان

بنو الهيجا، أبت أن تغنى محامدها  
فمنهم أبطال في أرض حدهم  
ومنهم رجال تشردوا في سائر الملا  
عافوا الحياة في الدنيا وعندهم  
لا صبر لهم على ضيم يحاوله  
كانوا أسودا لا يبالون من العدى  
جاء المقدر الالهى فتشردوا  
لا وطن لهم ولا بلاد تجمعهم  
ان شاء رب السما يعودون  
يا رب يا معبود يا خالق الملا  
اجمع شملنا من بعد شتات  
ما عز الفتى الا بواسع أرضه  
يا رب يا رحمن يا سامع الدعاء  
امسح مقدرنا علينا وما كان  
نجازي من تمرد في غياب لنا  
لان تاريخنا من نسل هاشم

ارتكزت العلاقات بين عين حوض والقرى المجاورة على التزاوج والنسب بين السكان "احنا كنا نوخذ بنات القرى إالي بيحدنا بس ما كناش نعطيهم، البنات عنا لابن عمها لو كان إختيار"، ولم يسبق أن سجلت العلاقات بين أهالي البلدة والمناطق المجاورة أحداثا دموية "اجرم كانت تبعد سبع ثمان تالاف، كانوا يزرعوا زرعانا وقمحاتنا، وما كناش بنقدر نحكي معهم، هذول كانوا قدنا عشر مرات، وكانوا مسلطين على القرى اللي حولهم، وكمان قرايبنا كانوا يجنبوا الفطر عشان هيك ما صارش في مشاكل كبيرة".

ويقال انه في الماضي البعيد حاولت اسرة مالكة في المنطقة تدعى "دار ماضي" السيطرة على أراضي عين حوض من خلال استغلال الخلافات البسيطة



التي كانت تسود بين بعض الاسر، الا أن تعقل رجال البلدة فوّت الفرصة على "الافندي" بترحيل أقربائه الى عين حوض والسيطرة على معظمها "بقي في هذيك الايام سيدي الحاج سليمان واخوته خمسة وسيدي أحمد عبد السلام واخوته خمسة، وهذول اخوة ولاد أم وأبو، وهذول العشيرتين كانوا ضد بعضهن، الماعز بقى بزروعاتك، ابن فلان سرق عنرات فلان، هذا خلاف بلدنا، أما اشي ضرر أو عرض مافيش، بهذيك الايام كان عيسى أفندي الماضي، كان هو المعروف في اجزم، صار يفكر، البعيد، اجزم أفستتها وأخذت أرضها، جبع بالمثل، الطنظورة كذلك، عين حوض هاي أرضها كبيرة، كانت أرضها تصل للبحر والناس أغنيا، ودار أبو الهيجا قلال، قام عيسى أفندي وداً واحد من فلاحين اجزم على الفرس، وبعث مكتوب للشيخ داوود أخو سيدي، فتح المكتوب والا هو بقوله فيه بأسرع وقت بس يملك مكتوبي رأسا على اجزم، وأمر الظالم البعيد مستجاب، ركب الشيخ داوود والجزماوي على فرس ووصلوا اجزم، لفي الشيخ داوود على ديوان دار ماضي، الديوان كان عامر بالناس من أهل البلد، وصدق بعرف ناس من اجزم يغدي راسه قد الحيط لانه فواد ابن عيسى ضمك معاه أو انه أخوه نايف أفندي حكى معاه.

المهم لفي سيدك الشيخ على الديوان احترموه وأكرموه، وبأخر السهرة روحت أهل اجزم على بيوتها، وظل الشيخ داوود والافندي لوحدهم، قله الافندي بتعرف لبش بعنتلك مكتوب، قلّه لع، قلّه لما قرئت المكتوب حسبنا حساب أنا واخوتي انه فيه مشكله، أو حدا زعل معكو، وتركت اخوتي سهرانين في الديوان وقتلهم بس أوصل اجزم أشوف الخبر وأرجع فورا، قال الافندي، خير، منفعة إلك ولاخوتك، اولاد عمك دايمًا ضدك انت واخوتك، نحووا عليهم اذبحوهم، رحلوهم من البلد، ليرات قد ما بدك خذ، وما في حدا من قرابيك او اخوتك يا سيدي الشيخ بنحبس، أنا الحكومة.

الشيخ داوود عرف بالخرافية هاي، صار يوخذ من الافندي حكى ويحط في راسه، وقلّه أه لو انك من زمان طلبت مني هيك، كان صرت إمّرحلهم من البلد، وهذا الحكى بس كان يحكيه بلسانه بعد ما أدرك قصد الافندي بتخريب البلد، استأذن الشيخ بدّوا بروح، حاول الافندي انه يبقيه عنده ويبات ليلته في اجزم، بس هو رفض وقلّه البيت بيتي، والمرّة الجاي لو قعدت بدل الشهر شهرين ما بهمني اشي، بدى أروخ أظمن اخوتي، أخذ الفرس وشمل<sup>(١)</sup> على البلد،

(١) شمل: أي اتجه شمالاً.



وصل والا اخوته ينتظروا فيه، طمنا، قمحة والا شعيرة، قلهم لا قمحة ولا شعيرة خراب بيت، كيف ؟؟ قلهم عيسى الماضي بدوا نذبح بعض، ويرحل قرايبه على البلد وينهب أرضها، وكنتي اخوكم الكبير وبمون عليكم وبتطاوعوني بدتي واحد يروح للشيخ عبد السلام بقله، بيسلم عليك اولاد عمك واجمع اخوتك هسه بدهم يجيوا لعندك، احتج بعض اخوته وقالوا هسه، دار أحمد بفكروننا خايفين منهم، قلهم مشاكلنا الزرعات والعنزات وهذول ما الهم قيمة، واذا ما بدكم اتطاوعوني انا قايم في عيلتي وراجل من البلد، بدكم عيسى الماضي ينهب الارض وبعدين نطلع شحادين، راج واحد من اخوته لدار عبد السلام وقله بيسلم عليك ابن عمك الشيخ داوود وبيقولك اجمع اخوتك بدوا يحضر هو واخوته لعندك، رحت فيهم وقله ميت أهلا وسهلا ويا حيا الله، جمع اخوته وقلهم اولاد عمنا أكيد لاحظوا اشى وبدهم يحضروا لعندنا، وقلهم ولا كلمة شو بينا وبين اولاد عمنا، والله لو ما هم أعقل منا وأحسن منا ما اجوا لعنا، ولما يحضروا استقبلوهن وتداققوا بوس في اللحي، شوية والا اولاد عمه الخمسة لافيين، السلام عليكم، عليكم السلام، اتحاببوا، قلهم الشيخ داوود قبل ما أفهمكو ليش جيت لعندكو، قولوا اللي بدكو اياه خايفين منا، اضعف منا، اللي بدكو اياه قولوه، رد الشيخ عبد السلام وقله احنا ممنونين كثير بجيتكو وما بنجازيكو من هون لنموت".

حكى الشيخ داوود اللي حصل معه، وطلب عيسى أفندي بطرد أخوة عبد السلام من البلد، وقلهن "مين أحسن يا اولاد عمي نطخ مع بعض والا نذبح بعض زي ما بدو الافندي، شو في بينا احنا، في واحد لا سمح الله حكى مع بنت عمه كلمة بطالة، في واحد نزل على دار ابن عمه، قالوله نشهد بالله انك أبو البلد وانت أعقل واحد فينا، اصطلحوا صلحة في الحارة الغربية، حارة دار أحمد والد عبد السلام، وصلحة ثانية في حارة الشيخ داوود بالحارة الشرقية، صلحتين في هذيك الليلة.

ارجع البلد، الله بيعلم هو حراث غريب، هو راعي، أجلك، غريب من المنافقين حضر الصلحتين هذيك الليلة، ويشيل الخبر ثاني يوم الصبح لعيسى الماضي، قلته اعلمت أبو شملة (١) شو عمل، قلته روج من عندك الليلة واصطلحوا الاسرتين بالمحاك فيك، قلته هيك أبو شملة بيعمل في، والله لأخرب بيت داوود ولأحط شملته في رقبته واجرجه في الحارة وأخرب بيته.

(١) يقصد الشخص الذي يضع لفة شيخ على رأسه.



في هذيك السنة ، كان عيسى الماضي ضامن فلاحة البلد ، وكان معيّن ناطور جزماوي منافق ، قلّه ارشم صليبة في غلة دار أبو الهيجا ، واكسر رشم<sup>(١)</sup> دار داوود ومن عندك على عين حوض ومقبل وصرخ وقول انه داوود نهب الفلاحة وتعال هون - على اجزم - لأوريك ايش بدى أعمل فيه .

دار أبو الهيجا عرفوا الحيلة ، وقالوا هاي الخيانة مش منا من دار ماضي ، وجمعوا بعضهم ونزلوا على البيادر ، ساعتين زمان والا الافندي جاي على الخيل ، قلهم كل دار أبو الهيجا بقدرتوا يوخدوا كل غلتهم ، وبديش ولا حبة ، أما داوود ممنوع يقيم حبة ، مين كان حاضر ، كان حياة عبد المالك ، ويقولك حياة عبد المالك كان رجل ، رد عليه وقلّه ما إلك أكثر منه ، وليش بدك اتخرب بيته ، بعدين سب عليهم وشتهم ، ولما زعامة دار ماضي شافت انها بدها توكل قتلة ، داروا خيلهم وعلى اجزم ، وصدق من يوم ما خلقت البلد لحد ما هاجرنا وجينا هون على المخيم انه دار ماضي من دون قضاء ، صيفا ما قدروا يوخدوا حبة تراب من عين حوض ، ودار ماضي هذول أصلهم بدو من شرق الاردن أجوا على بلادنا من زمان وصاروا ، ساعدتهم حكومة تركيا ، لكن في عهد الانجليز ما كان الهم سيطرة ، لانو بريطانية طقت العشايير والحمائل .

ويقال أنه في فترة السيطرة العثمانية على البلاد تعرضت بعض القرى الدرزية الى الخراب ، وكان ذلك بسبب الاعتداء بالقتل الذي أصاب "ستنا أمنة" على ايدي مجموعة من "الشبان الزعران" الامر الذي دفع بالسكان الدرور الى الرحيل عن أماكن سكناهم الى جبل الدرور في سوريا ، ويحكى "أنه قبل حوالي ٤٠٠ سنة ، في أيام حكم تركيا ، كانت ستنا أمنة بنت جدنا أبو الهيجا مريضة في عينيها ، واضطرت إنه تروح لعسفا ، بلد الدرور ، علشان تتعالج ، في الطريق اعترضها عدد من الشبان الزعران وشلحوها ذهبها ، وقتلوها ، ودفنوها عند المشجرة الواقعة في طرف عين حوض ، وبدأ أهل البلد يسألوا عنها ويدوروا عليها ، وما قدروش يعرفوا عنها أي شي ، لحد ما أجا طير أبيض وقف عند المشجرة ، أجو دار أبو الهيجا ، لانهم بيعرفوا انه هذا النوع من الطيور بيقف على جثث الموتى ، فتحوا المشجرة ولاقوا راسها مقطوع وذهبها مسروق ، وعرفوا إنه اللي قتلها هم الدرور وهربوا على بابور بحر ، بابور البحر هاذا خرب ، وكل ما مش شوية كان يتوقف ، بعدين صارت عواصف وريح

(١) الرشم عبارة عن خشبة كبيرة مكتوب عليها بسم الله الرحمن الرحيم تطبع على صليبة القمح أو الغلة و تقوم بعملية تحديده "زي ما تطبع ايدك على تراب".



شديده والموج صار عالي ، وتعرکست امام الشوفير صاحب البابور ، قلهمم السائق ان هذا ال اشي غريب وأول مره بصير معي هيك ، الله أعلم انتوا ايش عاملين ، ويا عمي بظلنا نمشي ، وما بدني اركبكم ، ورجعوا من البحر بعد ما كانوا قاطعين مسافة ، وكانت جماعة من دار ابو الهيجا واصلين لشط البحر ، والتقوا مع الدروز ، وصارت طوشه صار فيها قتلى من الطرفين ، وبعدين حمل الدروز حالهم وطلعوا من بستان وهيك خربت ، وصارت تسمى "بخربة بستان" وهي المنطقة اليهود بيسموها اليوم "يعروت هكرمل" .

بعض سكان عين حوض حاول اخفاء هذه الحكاية ، قصة خربة بستان ، لكنهم اعادوا وأكدوا انها صحيحة "وبس مش بستان اللي خربت كمان الدروز غادروا الدالية ، وعسفا ورجعولهن ، لكن الشلاله ورقطيه والرامون وبستان وحجله وسماكه وام الزينات خربن شيله ، وسكانها رحلوا على جبل دروز في سوريا ، وبيقولوا عاصي وتسعة وتسعين بلد من الدروز بتلاقيهن كومه واحده في راس جبل" .

بعد هذا الخراب الذي تعرضت له القرى والتجمعات الدرزية يقال بان تركيا عرضت هذه المناطق للبيع ، واشترت عين حوض بعض الخرب فيما اشترى شفيق لبناني اسمه "شكري المنصور" خربة "الشلاله" وتسربت فيما بعد لليهود "حكومة تركيا نزلت هاي الاراضي للبيع في المزاد العلني ، بلدنا اشترت خربة بستان وحجله ، الرامون وسماكه ورقطيه بعرفش مين اشتراهن ، الشلاله اشترها شكري المنصور ، وهذا نصراني ، وكان اكبر واحد باولاده شباب اسمه نصري ، وهذول كانوا شراكه مع اولاد زبانه ، واللي كان مستلم الارض وفلاحتها وزراعتها ناس بيقولولهم دار عيسى من أهل الطيره ، وهذول كانوا ميكلين ارضها وثمرها ، واهل الطيره هذول ظالمين كانوا بيسرقوا بقر من النصاري وكمان كانوا يسرقوا خيلهم ، مش بس هيك ، ابو شكري منصور قتلوه في المصافي<sup>(١)</sup> واضطروا ببعدين اصحاب الارض انهم يبيعوها لليهود ، قبل بيعها حكوا الناس انه نصري كبير اخوته بعث لأهل الطيره جماعة قلهمم اسمعوا خلونا حرائين عندكم ، والرجل الشهم بيحافظ على الخدام اللي عنده ، اتركونا بحالنا ، فكوا عنا ، ما في خلاص ، ما هو البني ادام لما يتربى على الظلم والاستبداد لا يمكن يتغير ، بيع الارض بهذه الحاله قوي لليهود ، وقالوا اولاد المنصور لأهل الطيره ، انتو نازلين فينا قتل وسرقه وضرب ، لكن صدقوا يمينا الا نجيب ناس تمنعكو الطريق ، شو عملوا ، راحوا باعوا

(١) المصافي : منطقة زراعية تقع شرقي الطيره قضا حيفا .



الارض صفقه وحده لليهود ، يَمّ بيعه واحده ، وهذه المنطقة كبيره وتقع شرق الطيره ، وشكري المنصور اشتراها من تركيا وعاش فيها هو وولاده ، وهذول النصارى اساسهم من لبنان ، عائلات لبنانيه ، إلهم أملاك وبيوت في فلسطين ، وهُمّه اللي بيعوا البلاد .

ويتابع ابو محمد حديثه ، سمعوا اهل الطيره والداليه وعسفيّا والحاج طاهر قرمان من كبار الملاكين في حيفا ، بقضية بيع الشلاله ، احتجوا ، سمعوا اليهود إنه أربع بلاد إعترضت على النصارى ، بعثوا جمعوهم ، قالوا إلهم يا بتثبتوا ملكية الارض لنا يا بتدفعوا الفلوس اللي دفعناها إلكم ، لانه اليهود دفعوا حق نص الارض ، واتفقوا على دفع النص الثاني عنـد تثبيت الملكية ، المهم اتفقوا معهم وثبتوا الملك لليهود ، لكن ثبت بعد هذه القضية انه الحاج طاهر قرمان أيمن واحد وهو ابو البلاد ، قدر عصبن عمن اليهود انه يحصل البساتين الشراقه وامتلكها ، وهذول دار قرمان مشهورين في حيفا عندهن دور وشركات وكسارات ، جماعه اثريا ، وهذول اخذوا قسم من الشلاله والباقي الوف الدونمات إنباعت لليهود ، والسبب اهل الطيره دار ابـو عيسى .

*[Faint bleed-through text from the reverse side of the page, mostly illegible.]*

*[Faint bleed-through text from the reverse side of the page, mostly illegible.]*

## الفصل الثاني

### الحمائل والعائلات

يعتقد سكان عين حوض أن عمر بلدتهم تزيد على ٨٠٠ عام وأنها تعود (لأبو الهيجا)، وحافظت قريتهم طوال تاريخها على استمرار نسل أبو الهيجا ويسود بينهم الاعتقاد بأنهم ينتمون إلى جد واحد وحامولة واحدة "حسام الدين ابن أبو الهيجا خلف خمسة أولاد عبد الرحيم، إبراهيم، أحمد، سليمان التي يسموهم دار الحاج، وعلي<sup>(١)</sup>، وهذول طلغوا وعمل كل واحد منهم حامولة إله".

ويعتقد أن هؤلاء الأبناء الخمسة هم الذين شكلوا النواة الرئيسية لاستمرار حياة آل أبو الهيجا على الأرض في بلدتهم الصغيرة، وفيما بعد تزوج الأبناء واستقر كل منهم في مكان بالبلدة، ومع مرور الزمن انقسمت عين حوض إلى "حارتين شرقية وكان يسكنها دار أحمد وغربية كان يسكنها دار الحاج وبين هذول الحارتين انتشرت بيوت أهل البلد".

ويمكن تمثيل تفرع عائلة أبو الهيجا في عين حوض كما في

الصفحات ٢٤-٢٩ .

---

(١) علي : هناك خلاف حول هذا الابن فيما إذا كان ذكر اسمه علي أو محمد وابنه علي أو أنثى عرفت فيما بعد باسم (أم علي).  
(أنظر ص ٢٩).



ابراهيم الطحينا السمين ١١٨٧ هـ

حسام المزين

عبدالصم (١)

ابراهيم (٢)

احمد (٣)

سليمان (٤)


محمد نور اسمعيل (٥)








سليمان  
ع



سيرة النبي

الكريمة في كربلاء



### الفصل الثالث

#### القرية في الاربعينات

تقع عين حوض على تلة مرتفعة في السفوح الغربية لجبال الكرم—  
وتبعد عن مدينة خيخا حوالي ١٨ كم، معظم أراضيها مشجرة بالاحراش "عليها  
٢٤ ألف دونم شجر طبيعي" المنطقة القريبة من الساحل سهلية وتصلح لزراعة  
معظم المحاصيل "حتى يزرع فيها موز وكروم عنب وزتون" والبلد "بتشتهر  
بالخروب بكثرة، كان فيها معصرتين زيتون، وحدة لدار احمد ووحدة لدار  
ابراهيم، وهذول كانن عبارة عن شركة تعاونية يساهموا فيها كل اهل  
البلد" البيوت كانت متراصة في مركز البلدة ومتفرقة في اطرافها، ويعتقد  
أن بيوت البلدة القديمة، والتي تعتبر النواة الاساسية للقرية كانت متقاربة،  
وفيما بعد بدأت تتسع المسافات بين البيوت، واصبحت البلدة تتشكل من  
حارتين غربية وشرقية "وحدة لدار الحم ابراهيم ووحدة لدار احمد، وكان  
للبلد حوش فيه حوالي ٥٠ دار، الهن بوابة وحدة كان يفوت فيها الجمل حامل  
شوايين تين".

واشتهر من مواقع البلدة "عين العياش وهذه عين صغيرة موجودة في  
البلد، طبقة الطيرة، خلة برشيد، خربة الحجلة وخربة بستان، الوعرة، وحدة  
شرق البلدة ووحدة جنوبها" ومداخل وممرات البلد كانت "طريق بستان، طريق  
حجلة، طريق باب المغر والبيادر" وكان فيها مقبرة "يسمونها مقبرة العرب،  
كانت بتبعد عن البلد حوالي خمسين ستين متر".

كان ديوان البلد عند احمد عبد السلام "بقيت ارواح وأنا صغير  
عندهم، الديوان كان ١٢ في ١٢ وكان يقع جنوب غرب الجامع، هالشباب  
المتحمسين كانوا يحطوا العصي هناك يركزوها، كان بيطلع مية عصا، بقينا  
نخاف من الحرامية اللي كانوا ييجوا من اجزم والقرى المجاورة، احنا بقينا  
بين الطيرة واجزم، الطيرة بتبعد ١٥، ١٦ ألف وهذيك بتبعد سبع آلاف، واحنا  
كنا بيتين في جبل، هذا مر من الشمال للجنوب مصري وفلاح، صار الفلاح يحكي  
للمصري عن بلاده، هاي البلد الفلانية، هاي دار ماضي، هاي دار العزة، شو قل  
المصري، قل في الوقت انزلت بمخي انت، كل ما شوفتلي بيتين بجبل بتسميهم  
بلدة، وهاي البيوت تعدهم على بلاد، انت جيت على بور سعيد ع الاسماعيلية  
ع الاسكندرية هاي البلاد".

كانوا الاهالي يجتمعون في الديوان بالفصول التي يقل فيها العمل  
الزراعي وخاصة في فصل الشتاء "كانوا يجلسوا للتسامر وللعب الصينية، كانوا



يجيبوا صنية ويحطوا عليها تسع فناجين سادة، وكانوا ينقسموا قسمين، أو فريقين، كانوا بيخفوا الخاتم تحت فنجان، الفريق الآخر كانوا بيتفرسوا في وجه حامل الصنية والتي خبا الخاتم، بيصيروا يطلعوا وين اطلع، وهذه اللعبة بداهة تفرس وذكاء من ناحية، ومن ناحية ثانية فيها تلاعب بالاعصاب، يعني بمسك فنجان بدوا بهزوا بيخوف الانفعال التي انعكس على التي حامل الفناجين، فاذا شافه انفعلا فعلا بيؤخذ الفنجان، في بعض الاحيان بيصير يطلع على نظره وين متجه، بيصير عاد اذا كان مقسم الفناجين لمجموعات بيصير بهز الفنجان علشان يقدر يعرف الفنجان التي تحته الخاتم، كان من المشهورين بهذه اللعبة مرعي الحسن، هاظا بقى يعرف الخاتم على طول والفصم حامل الصنية .

كان جامع البلدة بتوسط مركزها وكانت البيوت تنتشر حوله، والمطلون كانوا يقضون اوقاتهم تحت اشجار الصنوبر والخروب التي كانت تقع حول مباني الجامع التي قبلنا يقولوا إنه الجامع في إله هون حلقات وصخر مفحور، زي حجر كبير مفتوح وإله طاقات، يقولوا إله قبل منا إنه كان في مية هون، لكن وين راحت مبنعرفش، وين مصدرها من وين أجت المية هاي مبنعرفش، مع الزمن راحت .

ويروي الاهالي حكاية "ميه سيدنا العاروري" التي كانت تشفى الناس من امراضهم "هذا شرق بلدنا كان في شيخ يقولوا سيدنا العاروري، وكان بنفس المنطقة صخرة هيك، قد مساحة هالبيت، وحواليه شوية بساتين تين، وفي جنبه مغارة قديمة وفيها قبر، شو القبر هذا بنعرفش، هاي الصخرة إلهها حرن مية جاي بنصها، عمقه حوالي ٥٠ سم، كان اذا واحد بيصير في حب يروح يمليه مية ويغسله فيه، وباذن الله يروح كل مرضه، وكانت الكلاب أجلكم الله تصير مصعورة، والكلاب اذا بتعض الناس بصيبيها الصعر، كنا نروح نحط المية فيها من الصبح ونسقي الغنم بالفنجان علشان متنصعرش، وهذا الحجر اللي كان فوق مغارة سيدنا العاروري يقولوا إجا يهودي قاموه، حمله بسيارته وروح، حطه في داره، وقام الله حط فيه النقمة، الله حط عليه النقمة وعلى ولاده، قلبه واحد ولك رجع الحجر، رجعه، وكان هذا الحجر مقدس والمية التي فيه بتشفى الأوجاع، رجع واحد ثاني من اليهود بعدين تيقموا شاله بالونش الحجر مرضيش بركس وصار يتحرك اجا وقتل الزلماة التي كان يشيل فيه، بعدها حطوا الحجر وفلتوه،

هذا الحجر في بيتنا

هذا الحجر في بيتنا  
هذا الحجر في بيتنا



وهذا الحجر زي حجر المعصرة وإله جرن بالنص ويقولوا انه الحجر لا زال موجود محله (١).

وتنتشر حكايات الاشباح بين أهالي عين حوض ، وهم لا زالوا يذكرون بعضا منها على رغم قدمها ويقال "إنه الحاج يوسف داود حكوا عنه رواية في خربة يقولونها السيح ما بيدري فيها الا الله ، وهاي المنطقة كان فيها مشجرة ، وكان في هناك مغارة بتنزل بثلاث درجات ، وبأيام الشتا والمطر، هاي المشجرة بدها انتباه اذا حدا بفتحها بتحرقه اذا ما سدهاش بسرعة ، والزلمه نزل على مشجرتة عشان يترزق ويبيع الفحم، وقال وهو قاعد بدفنه على النار بتفوت عليه حرمة على ايديها طفل صغير، قتلته مرحبه، قلها أهلا وسهلا، الحاج يوسف خاف منها، قتلته مد إيدك على ابني ، عس إيد ابنها لقاها مثل ايد الحردون خشنة، قتلته أنو أحسن ابني والا ابنك، قلها إثنين أمّـلاح، قتلته شو رأيك تتجوزني، قلها أنا عندي مره ، بعدين أنا زلمة كبير، قتلته اذا بدكيش تتجوز بالحلال بدى أتجوزك بالقوة، قلها يا سني الله برض عليك أنا اختيار كبير وأنا إلی مره وإلی ولاد وحرام بالدين وبالشرع كذا وكذا، قد ما شدت عليه قلها أمرک، وافق، قلها مش الليلة، أنا بروح على البيت بغتسل بالمية ولبس مليح وبرجع هون وانت بتبيحي، وافقت ، هي طلعت من هون هاي الليلة من المغارة وراحت ، وهو قام بهالكريك طمطم المفحمة وفك غطاها من خوف حدا يفتحها وأجاك طايح على هالواد، واد عميق وبدو يطلع طلوع على البلد، صار قرب البلد واذا الدبش وراه ها، ها، نواری في البلد ومع حس الكلاب والروش والبنی آدمين راحت عنه، بعدها مرض يومين ثلاثة، ودًا ثاني يوم ولاده وموته طلعا على المطرح لقوا الفحم كل عود إبّاد منعوف ، ومرجعش على المشجرة ، هاي القصة حدثها كثير واسمعناها منه ومن غيره وهيه مزبوظة .

وروي أحدهم قصة رجل من عين حوض أطلق النار على واحد من الجان فقتله ، وقد حاكمه الجان بدورهم على فعلته هذه "كان رجل من البلد سائر في الليل، وكان في خلفه حجارة بتضرب عليه، كان يلتفت خلفه فلا يـرى شيئا، وكان ضرب الحجارة هذه ينسب للحن، ويقال انه فيه واحد كان مسلح بندقية قلهم أنا بحذرکم وبسبب علیکو الله انه ما ترجموا كان بسمع ضحك،

(١) عند زيارتنا للمنطقة في صيف ١٩٨٥ لم نر هذا الحجر، وعلمنا أن أحد اليهود قام بنقله الى مركز عين حوض المسماه "كفار أومنيم".



بعدين ضَرَبَ حِجَارٍ وَضَحَكَ، اضطر بعدها يطلق النار والا هو قاتل واحد، معرفش انه قتل الا بعد ما كان نايم في المغارة مع غنماته حملوه لمحكمة تمت الارض، وأجا حاكم وقله أنا حاكم الجن، انت قتلت أخوك المسلم، قلله أنا مَبْعَرَفِشْ يَا سَيْدِي وَسَقِيتْ عَلَيْهِمُ اللَّهُ أَنَّهُمْ مَا يَرَا جِدُوا عَلِي حِجَارٍ مَا رَدَّوْشْ، والحاكم جاب شهود من الجن وقالوا إِنَّهُ فَعَلَا سَاقَ اللَّهِ عَلَيْنَا مَا نَمْرَحُ مَعَهُ وَلَا تَرَا جِدْ عَلَيْهِ حِجَارٍ وَبَعْدِينَ قَامَ الْحَاكِمُ وَبَرَّاهُ، قلله أعطيني يا سيدي إشي أثبت فيه برأتي، ويقال إنه اعطاه قطعة عظم عليها كتابة ومحدش عرف من أهل البلد يحل هذا الخط، وهذول كانوا إما جن وإما أولياء صالحين.

وكانوا ناس من البلد بيحكوا انهم شافوا خاروف بدون راس كان بيخرج من جانب شجرة، وكانوا يفسروا هذا الحكى بانه هنا في رمد مال، كانوا هذول يحاولوا يشاهدوا راس الخاروف ماكنوش يقدرُوا، كانوا يتابعوه فيختفي بجانب شجرة، ويطلع مرة ثانية وهكذا.

ويعتقد الاهالي بانه أرضهم كانت لأولياء صالحين في السابق كثير كنا نسمع واحنا نايمين دق عده بجانب البلد، نسمعها وهي مارقة من ناحية لناحية، بيقولوا إنه هذول أولياء هم إلی بيدقوا العدة.

ويقال بانه بعد الهجرة لم يتمكن اليهود من البقاء في منازلهم لفترة طويلة من الزمن، بعد الهجرة سكن بلدنا خمس ست فئات، ما فيش فئة أو قوم سكنت بلدنا وصمدت أكثر من شهرين الا تهرب لانهم كانوا يتعرضوا وهم نايمين للضرب بالحجار، وكانوا اليهود يطلعوا كل ليلة بالهستينات بالبرنات بالكشافات فيش حدا، واستمر هذا الحال لفترة طويلة، وقالوا بدنا نسأل واحد من سكان هالبلد اللي ظلوا يناموا في دالية الدرور، وفي واحد كان مروح من الجهة الغربية للشرقية ودوله شاب، قلله الخواجات بدهم اياك ربط الحصان في رجليه وطلع إلهم، سألوه شو هالبلد شو سكانها، كيف بقوا عايشين شو بقا فيها، قللهم هاي بلد فقيرة أوادم دراويش، وكانوا عايشين مع بعضهن بسلام، قللوله اليهود إحنا كل ليلة بنشوف دبشوز وز على هالبواب نطلع فيش حدا، قللهم يمكن تكون البلد مسكونة وفيها أشباح، ويمكن هذول أولياء صالحين بدهم اياك تسكنوا هون.

يقال بأن أراض القربة جميعها تعتبر وقف اسلامي وقف للذكور مش للناث، وهاي البلد وجدار البلد هي وقف ذري للشيخ سعيد الكوكباني أبو الهيجا



وما بحقش للحرمة أن تؤخذ حصة فيها \* وكانت أرض البلد مقسمة على سكانها بالتساوي تقريبا ولم يظهر في البلد ملك كبار أو اقطاعيين أو فقرا مسحوقين لا أرض لهم.

ويعتقد السكان بأن القرى التي أسسها أبو الهيجا \* فيش فيها طابو لدار أبو الهيجا، وهي وقف، بتوارثها الابناء عن الاباء، كانت معفاة من الضرائب الحكومية، حتى إنه تركيا والانجليز لم تكن تؤخذ ضرائب عليها لأنها بتعتبر وقف اسلامي على أهل البلد وما فيش فيها طابو مفروز لكل شخص.

كان السكان يبيعون منتجاتهم في أسواق حيفا \* كنا نروح نبيع قمح وسمسم وخروب وفحم، كان الجمل يحمل ثلاث شوات، قبل السيارات كنا نركب على حمير وخيل وننزل ونزول من عين حوض ونطلع على الطيرة من الناحية الشمالية ونتسلق جبل وننزل على حيفا نزول، كان بينا وبين الطيرة خمسين كيلو مترات، الشاب كان يجيبهم بعشر دقايق، كنا زي ما بدك، بعدما نطلع الطلوع بننزل الا احنا في حيفا، بقينا نقوم مع صيحة الديك مع الشمس قبل الشمس نكون راجعين مشتريين الاغراض اللي بدنا اياها \*.

كانت البلد تتاجر في الشيد، وكان من تجار الشيد ذيب مصطفى خليل، محمد محمود أبو الهيجا، وعلي الحاج سليم وكانت تبيعه في الاسواق، \* كان فيها أربع خمس كبارات، هاي كانوا يبحشولها جورة وسبعة يبنوها من النص على الداير وبيعقدوها بحجر خاص للنار وبالغالب يكون كلسي، وبعدين بيعقدوها عقدة ثانية للباب، من فوق بعَلَّوها ويحطولها تراب من الناحية الثانية، بيعملولها باب صغير، كانوا يقطعوا كل أنواع الشجر ويسووها كبابيش كبابيش، كل كومة لحالها، وكانوا يغزوها بعصاي طويلة ويحطوا هاي الكبابيش تحت الجورة عشان النار، وكانوا يظلوا يغزوا نار تيهمد الشيد وبعدين يصير أحسن شيد في العالم \*.

\* حجارة بلدنا أحسن حجارة، كان في عنا في البلد ثلاث محاجر لكل أهل البلد، كانن لقرايينا ولاولاد عمنا، وكانوا كثير من بره ييجوا ويشتروا هاي الحجارة \*.

اعتمد بعض السكان في حياتهم على العمل خارج البلدة، ولم تكن أعدادهم كبيرة، فبعض الأفراد عملوا في الدوائر الحكومية وبعضهم كانوا عمالا لدى السلطات البريطانية \* أول ما اشتغلت الا أنا بعنليت، بهاظا السجن،



بحشنا جُور كثيرة وحده هون وحده هناك كل وحده كان عمقها نص متر، وحطوا  
أوتاد وسلكوها، وصاروا يشتغلوا في داخل السلك ويعملوا بركسات للسكن،  
وكل أربع بركسات بقسموهن لحالهن مع حمامات وغيره، بعنى عشان السكن.  
في أول حرب ألمانيا صار منا في البوليس وفي الحيش وكان منهم سعيد أحمد  
العبد الله شاويش في البوليس المدني، وبادي أحمد داهود وخضر محمد أبو  
الهيجا وعطا نجيب أحمد، ومحمد زيداني، وكان منهم كمان قبل الهجرة، بس  
ما كناش حدا من بلدنا مع فرقة وحيش الزنار الاحمر اللي كانوا يركبوا  
الخيال والههم طاقيه حمرا.

عين حوض كانت بلدة صغيرة ولم يظهر فيها نشاط اقتصادي كبير  
واقترنت حياة السكان فيها على بيع محصولاتهم في حيفا وعكا وشبرا  
احتياجاتهم من أسواق المدن بأخر المدة صار في بالبلد قهوة، واحد كان في  
عنده براكية حوكلها لقهوة كان اسمه ذيب مصطفى خليل بس كانت لاهل البلد،  
مش قهوة عامة، صدفه تبيحي واحد غريب، كان فيها كمان دكانتين ثلثات،  
كانن للشيخ محمد محمود وأحمد داهود وشفيق سعيد عبد، هاي كل اللي فيها.  
في الاول ما كنش في رخص لهذول الدكاكين وبعدين صار، ومحدث طلع معاه هاي  
الرخص، اذا الطابو دشرناها في البيوت.

اقتصرت التعليم في البلدة على المراحل الابتدائية الاولى ولما  
يتجاوز هذه المرحلة حتى الهجرة ويعتقد الاهالي انه "أول ما انتشأت المدرسة  
كانت في الجامع، وأنا قريت فيها، كانوا البنات والولاد سوي" بعد ذلك قام  
سكان البلدة ببنا مدرسة جنوب غرب مركز عين حوض "كانت ابتدائية للصف  
الرابع، يمكن للسادس، وكان كل صف إله استاذ، والمدرسة كانت مساحتها وساع  
ومشجرة، المنهج كان مقتصر على الحساب والدين والعربي والرياضيات، واللي  
كان يخلص صف رابع كان ينتقل على حيفا ويذكر من إله كمله كانوا اثنين  
راحو على الجزار بعكا هم سليمان أحمد الخليل وبادي أحمد الداود وهذول  
كانوا قرايبنا واولاد عمنا.

لم يكن بالامكان توفير التعليم لكل فرد في القرية، لانه لم يكن  
بالاساس الزاميا اضافة الى الوضع الذي كان يمر فيه الفلاح الفلسطيني  
واحتياجه لابنائهم لمساعدته في الزراعة والرعي "أنا بالنسبة إله مدرستيش ولا  
بصف، أنا درست مع العنرات، كان في عننا عنرات قاموا الرعيان بطلوا بسرحو

بعضنا لبعض في العنرات، كان في عننا عنرات قاموا الرعيان بطلوا بسرحو





الشيخ محمد محمود عبد الغني ابو الهيجا ( ابو حلمي ) وهو مؤسس موقع "كفر ابو الهيجا"  
والذي يقع حوالي ٣ كلم الى الشرق من عين حوض ويسكنه حاليا حوالي ٤٠ انقرا من  
اهالي عين حوض \*

الشيخ عبد السلام  
عبد السلام سليمان  
(ابو محمد) من اهال  
عين حوض ويسكن حال  
في مخيم جنين ويعمل  
اماما للمسجد فيه .




مصطفى محمد مصطفى  
(ابو العبد) من اهالي  
عين حوض وسكان مخيم  
جنين حاليا وهو الشخص  
الذي جرت معه حادثة  
الذئب سنة ١٩٣٦ .



مقام " ابو الهيجا " وداخله ضريح يقال ان " ابو الهيجا السمين " احد قواد صلاح الدين  
ومؤسس قرية عين حوض وباقي قرى ابو الهيجا مدفون فيه والمقام يقع شمال قرية كوكب  
ابو الهيجا القريبة من عكا . الصور من ٤ الى ١٦ اخذت خلال شهر حزيران ١٩٨٥ .



ضريح " سعيد الكوكباني " ابن " ابو الهيجا السمين " والقريح ملاصق لجدار مقام  
 " ابو الهيجا " الذي يظهر في الصورة رقم ٤ •



منظر عام لموقع عين حوض وخلفها مباشرة مستعمرة " نير عتسيون " والى اليمين منها القرية

الجديدة " كفر ابو الهيجا " التي اقامها بعض السكان الذين طردوا من عين حوض

سنة ١٩٤٨ •

سلام اسد  
 ار  
 هال  
 ن حال  
 ويعم  
 بيه •





• مسجد قرية عين حوض وقد حوله السكان الاسرائيليون الى بار ومطعم



احد اهالي عين حوض وسكان " كفر ابو الهيجا " حاليا يشير الى موقع " جرن سيدنا العاروري " والذي نقله احد " الفنانين " اليهود الى " بيته " في عين حوض •








مقبرة عين حوض وكانت تعرف باسم " مقبرة العرب " وتقع الى الشمال الغربي من مركز  
القرية وقد حولها السكان اليهود الى حديقة فيها العاب للاطفال •



معصرة زيت واقعة قرب المسجد في مركز عين حوض وقد حولت الى معرض لوحات لآحد





احد اهالي عين حوض ويسكن في " كفر ابو الهيجا " حاليا ، يقف امام بيت عائلة في عين حوض ويسكن في البيت حاليا عائلة يهودية •



بيت عربي في عين حوض يسكنه حاليا " فنان " اسرائيلي وقد اضاف بعض "اللمسات الفنية" الى المدخل والحديقة •






بيت عربي في عين حوض وقد حول الى معرض لوحات فنية كما يظهر من الياقطة التي تظهر الى اليمين المدخل •





بيت عربي تسكنه حاليا عائلة احد " الفنانين " اليهود ولم يحدث عليه اي تغيير سوى  
 اضافة بعض الشجيرات وتمثال الحصان امام البيت •



منظر ارض يملكها الشيخ عبد السلام ابو الهيجا، امام مسجد مخيم جنين حاليا، حرشنت

واقيم عليها مصح " بيت اورن " •



معهن، يعني صار في شغل للرعيان والحراثين، كنت أنا واخوي اسماعين بنقرا عند الشيخ محمد أجا أبوي أخذنا من المدرسة، ودق فينا من ايدينا وسحبنا على الباب، قله الشيخ وبين رايح في الاولاد، قله بديش أقرى ولا أعلم، عنا ١٥٠ عنزة خليهن يسرحوا فيهن، سُقنا هالعنزات وشرقنا فيهن على واد بستان ومن يومها مارجعناش على الشيخ".

ويقال بانه لم يكن في البلدة أي مدرس من أهلها "كلهم أحو إلنا من بره، في واحد أجانا من القدس من دار خوري، وأجا واحد من عكا اسمه أبو سعيد، واجانا واحد من عورتا قضا نابلس اعتقد اسمه محمد فيصل، واجانا واحد من السنديانة، واستاذ أجانا من صفورية هذا ذبح مرته عنا في البلد ومعرّفناش ليش" ويقال بأن "المعلم كان مُهاب وإله قيمة اذا كان بمر في طريق كانوا الطلاب يغيروها".

أما الصحف فقد كانت تصل القرية بالمناسبات، كانت تصلهم عندما ينزل أحد المتعلمين الى المدن ويشترىها "لما كان يجيها كانوا الناس يقولوا فلان جاب قُريظة، هالختيارية اللي كانوا يقرؤا في هذاك الزمان مثل شبلي محمود وزيدان حسين وأحمد عبد السلام ونجيب أحمد ومحمود محمد خليل كانوا يجيبوها على الديوان، واللي يكون موجود بالديوان ويعرف يقرا يقرأها، وبذكر انه الجريدة اللي كانوا يجيبوها كان اسمها الدفاع وفي أخرى واحدة بس ناسي اسمها".

"أول راديو جابته بريطانيا على البلد أعطته للمختار، كان يحطه فوق حيط داره والكل كان يتفرج عليه، المختار بهذاك الزمان كان أحمد محمود عبد الغني يقولوله أبو محمود، وكان للراديو بطارية كل ما تخلص كان يعبىها ع حساب الدولة في حيفا، وكان مطلوب منه يحط الراديو على الحيط وقت النشرة عشان اللي بحب يسمع، بعدين صاروا الناس يجيبوا راديات بلشت تدخل وحدة ورا الثانية على البلد وهذا الحكي كان في بداية الثلاثينات".

اعتمدت البلدة في علاج الامراض التي كانت تصيب السكان على الطب الشعبي، أما الامراض المستعصية والشديدة فقد كان الاهالي يضطرون للذهاب الى عتليت لتلقى العلاج "كان فيها بيحكموا، وهذول يهود قدامي جبتهم تركيا، كان ابنا، البلد بروحووا إلهم عشان يتحكموا" أما حالات المرض البسيطة فقد كانوا يلجأوا للتداوي بالاعشاب "اللي كان يشعر بوجود برد عنده أو دود كان



يشرب نبات بيسموه المحمودية، كانوا يقطعوا هاي النبتة من شروشها ويغلوها ويشربوها، وكانت نبتة شافية نافعة وبتزبح الدود، المغص كانوا يستعملوله مرمية ونبتة اسمها الزعيتمان وعشبة الشام".

وكانت هناك حالات أخرى للعلاج "إذا طلع برجلين الواحد حزاز كان يذهب للبحر ويجيب ايشي بيسموه نجف البحر، كان المريض يصحنه ويرش خرصه وكان يطيب، وفي بعض الاحيان كانوا يداوا الجروح الطارئة في صمغ صنوبر يلحم الجرح، كان يحطه في شق الجرح وكان يكون فعال وشافي ومجرب من قبل الكبار".

"كانوا في البلد يقطعوا الطنطال، كان واحد اسمه عبد الواحد عبد الحلیم أبو الهيجا هو اللي كان يقطع الطنطال ويرفع بنات الاذنين، وكان هناك دايتين وحده اسمها صيحة القدومية<sup>(١)</sup> والثانية اسمها صالحه من كفر قرع جوزها اسمه خليل مصطفى خليل".

"أنا لحقت ناس كانوا يجيبوا الحلاق يربط ايد الواحد من عنود الكوع ويخزق الشرش، الا هالدم الفاسد ينزل بعدها كنه ساخن يطيب، أنا بذكر لما الواحد يسفن بقوا يشطبولوا ذنيه، ويقولوله دندل راسك ينزل هالدم الاسود الوسخ ويحطوا شريطة عليها زيت ويقوم خلص مع السلامة، اليوم الناس بعجبهاش هالحكي".

لم يكن في البلد مطهرين للأولاد كانوا يأتون بهم من المناطق والقرى المجاورة "كان واحد من صفورية اسمه أبو حسين، كان يحي على البلد في المواسم بطهرله ٢٠١٥ ولد وكانت أجرته ١٠ قروش فلسطيني، كانوا الناس بكرموه وببيتوه، كانوا يقعدوا الطفل على مسند ويطهره المطهر وكان يغنيله،

طهره يا مطهر وخفف عليه

طهره يا مطهر وطول روحك عليه".

كانت الام تستقبل ابنها بالزغاريد عند تطهيره "أما اذا عليها نذر تَعْمَلُهُ حفلة بعد أسبوع وتعزم قريباتها على الدريكة وتعمل حفلة داخلية يعني إنه أجاني اولاد والحمد لله اني طهرته وهيأني بغنيته".

(١) صيحة القدومية: أصلها من قرية كفر قدوم قرب نابلس وزوجها يدعى محمد عودة.



كانت البلد مشهورة بتقديم علاج يسمى "طُبُّ الرِّيح" وكان الكثير من السكان يأتون الى عين حوض لتلقي هذا النوع من العلاج، ويعتمد هذا العلاج على الضرب الخفيف على مفاصل وأطراف المريض، ووضعه في غرفة مغلقة وفيها أبخرة من أعشاب تكون تغلى في الماء، ويتم تغطية المريض "وكمره" حتى يزداد عرقه، وقد اشتهر منهم في العلاج محمد محمود عبد الفنى "أبو حلمي" والشيخ داوود، وعبد الحليم أحمد، وفايز عبد المالك وغيرهم.

*[Faint bleed-through text from the reverse side of the page, mostly illegible due to fading and ghosting.]*

الفصل الرابع

السياسة ، الحروب ، الهجرة

لم يسبق وان سحلت البلدة حوادث سياسية بين فئات وأحزاب متعارضة فيها، فلم تشهد على الاطلاق الانقسامات السياسية التي كانت سائدة في فلسطين، ولم يظهر فيها اتجاهات سياسية مرتبطة بأل نشاشيبي أو حسيني أو غيرهم ولذلك لم يتشكل فيها روح المنافسة على السلطة وادارة شؤون البلدة، فقد كانت العلاقات العائلية والعشائرية هي الاساس في حياتهم الاجتماعية .

ويعتقد الاهالي بانه حتى عام ١٩٤٨ لم يكن في المنطقة سوى عتليت التي استوطنها اليهود منذ عام ١٩١٨، ويقال بانه حضرت خمس عائلات يهودية الى منطقة تسمى "ارنزون" وهو مستنقع قرب عتليت كان مزروع بشجر الكينا، وقد نصبت لهم "البراكيات"، وقيل بانهم جاؤا حفاة عمرا مما اضطرهم في بادئ الامر أن يلجأوا الى أهالي عين حوض وطلب حمايتهم من اللصوص، ووصل بهم الامر الى أن أهل البلد وضعوا حارسا على حسابهم لحمايتهم.

ومن خلال شركة البيكا الصهيونية بدأت عائلات مزراحي والسروجي والخياط باستصلاح بعض الاراضي وشرا بعض أراضي عتليت والمزار من خلال طرف ثالث وبسط يدها على أملاك المندوب السامي البريطاني.

في ثورة ١٩٢٦ أصبحت هناك مقاطعة بين العرب واليهود لا خروج عندهم ولا يجموا علينا، وان اشتبك يهودي مع عربي يقتلوا أو العربي يقتل اليهودي، يعني كان حرب بينا وبينهم .



لم يكن للبلدة دورا بارزا في ثورة ١٩٢٦، فقد كان سكان عين حوض أنصارا للثورة لكنهم لم يقدموا سوى شهيدين سقطا في معركة "أم الدرّج الشهيرة"، "أبو دره" أجا مرتين ثلاثة على البلد، كان يجتمع مع حياة المختار زيدان، وكان أهل البلد يطعموا جماعته ويمدوهم، وفي سنة ٢٧ استشهد من عنا مصطفى سعيد الحاج ومسعود سعيد العبد، هذول التحقوا بالثورة وصارت معركة على أرض اجزم مع الثوار، يوم وليلة والطيران يقصفهم، راح بهذيك المعركة بيطلع ثلاثين واحداً من الطيرة راح اثنين واحد بيقولوله عبد الله يوسف أبو راشد والثاني أسعد السيد أبو راشد، ومن اجزم على سعود الماضي ومحمود توفيق أبو عنتر وباقي البلاد راح منها كثير، وهذيك المعركة كانت الفاصلة قضت على الثوار بالمرة في منطقتنا وكانت في شهر أربعة سنة ٢٧.

ويعتقد سكان عين حوض بأن بعض الدروز المتواطئين مع الانجليز هم الذين نقلوا أخبار تواجد المقاتلين في اجزم على خلفية مهاجمة الثوار للقري الدرزية "هذا اجت الثوار طوقت الدالية وعسفا وجردوهم من السلاح وأخذوا كتبهم اللي بيكونن في خلوات بتعبدوا فيهن، بلا تشبيه مثل الجوامع همّاه بيقولولها خربة، هذول انجنوا الدروز، بقي بعد ما انسحبوا الثوار من بلاد الدروز لحقوهم من ورا لورا تيشوفوا وين بدهن بروحوا، تحطوا في بلاد بيقولولها أم الدرّج، وهناك في خربة بيقولولها خربة دار أبو عيطة، وحالا أعطوا الدروز خبر للانجليز، طلعت قوات من جنين ومن نابلس ومن طولكرم ومن حيفا وطوقت البلد، وقبل ما يوصل هذا الجيش نفذ ١٠، ١٥ طائرة على أم الدرّج وصارن الطائرات يحومن فوقها وبعدين نزلن هالقنابل وبالهرشاشات، والثاير شو بدو يعمل ممعوش الا هالبارودة لا قنبلة ولا رشاش، والجيش اللي اجا من طولكرم ونابلس وحيفا حاصر المنطقة وصارت الخرافية قضية مواجهة، تواجهوا بلشوا في بعضهن شمت، شقوا الطريق من الجهة القبلية قسم نفذ من الفدائية، وقسم أحو علينا وهذول كانوا قسم بسيط، عمابت الشمس الجماعة انسحبوا في الليل، والجيش ظل لثاني يوم، راحوا من البلد تيجيبوا جماعتنا وروحوهم على البلد، قالولهم أهل اجزم لإيش تروحوا فيهن، هاي مقبرة هون، وكلهم بنحطهم في مقبرة واحدة، كان بعيد والا قريب هون دفن وهو دفن، شو بدك بالطويلة دفنوهن في اجزم وسموها مقبرة الشهداء".



وواجه الشبان في عين حوض الاعتقال والتعذيب في السجون البريطانية نظراً لتعاطفهم مع الثورة، كما واجهها شبان القرى المجاورة، وقد عمل الجيش البريطاني على تشغيلهم في رصف الشوارع تحت الضرب والاهانة، وتحملوا ذلك بصبر وشجاعة من أجل قضيتهم "اعتقلونا حوالي ٢٩ واحد من بلدنا في معتقل بسموه كركور، وهذا الحكي كان سنة ٢٧، ٢٨، وهذه مستعمرة يهودية في تل الفر، وكان في هناك مركز بوليس شرق المستعمرة، ومن مركز البوليس وقبله كانوا عاملين سلك على ساحة وساع وبيوت خيش ناعم، وجامعة من الزعامة العالية للصغير اللي مثلي<sup>(١)</sup> وكنا من البلد ٢٩ بهاظا السجن، وكان واحد اسمه عبد الواحد في سجن المزرعة بعكا وحياة زيدان المختار كان في سجن المزرعة وكان معاه كمان واحد اسمه داود، وقعدنا في المعتقل ٢٩ يوم".

ويقال بأنه تم اعتقال شبان البلد اثر اطلاق النار على السيارات العسكرية قرب عين حوض "أجو الثوار تغذوا العصر في البلد، بعد ما اتغذوا نزلوا على البلد تحت الزيتون صاروا يقوسوا على الاسفلت على شارع حيفا - يافا، واجا الجيش الانجليزي طوق بلدنا ثاني يوم، بعدين جمعوا النسوان لحال والزلام لحال واعتقلوا ١٥ واحد من البلد وأخذوهم، في اليوم اللي بعده رد رجع الكومندار بوليس وطوق البلد وجمعوا هالختيارية والمختار، وقلهم اسمعوا يا بتدفعوا ٥٠٠ ليرة فلسطيني غرامة يا بتسلمونا ١٥ شاب يلحقوا اللي أخذناهم، ما فيش مضاري، كيل القمح منقى على الطاحونة وعلى البابور بأربعين قرش ما حدا يشتري وبيع خضرة ما فيش، اجتمعوا هالختيارية وقرروا ارسال ١٥ شاب، شو بدهم يعملوا، اجا حياة أبوي وقتي انا اختيار بسدي أروح مملك ولما يروحو هالناس بروح، قتلته مش عيب تروح بابا وأنا اظل قاعد في الدار، ولك انت شاب وعليك العين بيجوز اذا رجعت سالم بتوكل قتل لتفرق، المهم روجت انا، ثاني يوم الصبحية اجتمعنا ١٥ شاب وانزلنا على الجسر تحت البلد، بعد شوية والا سيارة جيش كبيرة وصلت عندنا، حطونا فيها وسيارة ثانية ظلت علينا حراسة من ورا ووحدته من قدام، شوية والا احنا بسجن كركور".

"في السجن شفنا جماعتنا هذول، ١٤ واحد من دون المعتقلين مرطين ايديهم بشرائط حمر وممنوع حدا يقرب عليهم، ممنوع يروحو على حدا،

(١) عبد السلام أسعد عبد السلام (أبو محمد) امام المسجد بمخيم جنين، تاريخ المقابلة ١٥/٤/٨٥، مكان المقابلة مخيم جنين.



يعني هذول بنظر الحكومة خطرين، ولكو خربتوا البلد، ٣٠ واحد في السمـ  
يعني ما ظلش رجال في البلد، جابونا هون على الشريطة الحمرة وخطونا على  
العصا، طول الشهر على هالحالة قتل الصبح والظهر، قعدنا طول الفترة على هالحال  
وكنا نقول اذا ما طخوناش الليلة بيطقونا الصبح ثاني يوم\* .

"قحشونا احنا الثلاثين واحد وباقي المساجين من المعسكر بالخرابيش  
والخيش على الاسفلت، عند الاسفلت ساقونا احنا على مركز البوليس، ساقونا  
هناك على مخزن العده، وحملة كل واحد إمهده من أثقل جنس، وأخذونا نقلع  
حجار واشي برصاف واشي بحمل حجار بالقفة، والجنود الانجليز كانوا على  
بنكيت الشارع، الجندي هون والثاني هون ويضربه بوجه الباروده هالناس هـذا  
بعصاة الكزمة، هذا أجلك الله بالبصتار، صدق كل ١٠، ١٢ واحد اللي همـه  
طايحين كوم، بتنضرب اذا بتعمل هيك والا هيك، واذا رحمت لغاده بالسنبجه  
والا دم الواحد قاني\* .

"أهل 'قنبر' والبلاد اللي مجاورة الها كانوا يشتغلوا للظهر ويروحوا  
على بلادهم يعني يسفروهم سفره، بقى محابيس أهل الكفرين كانوا يقطروا  
عينيهن بزهرة السجارة مشان ما يروحوش على الشغل لانه عينيهم بتصير حمرة،  
كانوا يروحوا يمسكوا الدبور ويبيعوه بقرشين مشان يقرص عينين الواحد وما  
يطلعش على الشغل من القتل والظلم اللي بيشوفه، يا زلمه معلمين مدارس بقوا  
الانجليز يجيبوها حفا، ومرات بعد العصر بقوا يوخذونا عشان نقلع الشوك  
الناشف بايدينا\* .

"كانوا الانجليز أول ما يفوتوا على المعسكر كين قالوا تمام، نقوم  
ونقعد اثنين اثنين، يعدونا، كين قال كفرين يقوموا أهل الكفرين، كانوا  
يعدونا بلد بلد، عين حوض لحال، مرعرة لحال، بقوا يعدوا هالبلاد يلاقوا  
أهل الكفرين هازم منهم اثنين ثلاثة، البلد الثاني هازم أربعة، البلد اللي  
بعدها واحد، احنا بلدنا ولا واحد، رفعوا القتل عنا وبلشوا في البلاد  
الثانية، كنا نروح الظهر نتغدى، اللي يشلح قمبازه اللي يتلقح في الخربوشة،  
ونشوف الجيش الانجليزي اولها في المعسكر واخرها ما تشوفه، نقول جايين  
يوخذونا، نلبس أواعينا ونتحرك، ربك ما يوخذناش يوخذوا غيرنا، واللى  
يوخذوه ما يرجعش بقتلوه بطفوه، بس الحظ انه من بلدنا ما طفوش حدا، من  
غير بلاد طفوا كثير\* .

ويقال بأن سكان القرى العربية التي تقع حول أطراف سجن كركـور  
كانوا يحاولون ايصال الغذاء على قدر امكانياتهم للمعتقلين بقى يوم الظهر



احنا قاعدين في السجن والا أهل خربة السركس، هذي من 'تل الفر' ومغرب، والا هُمه في المعسكر، بدنا دار أبو الهيجا، قال مين دار أبو الهيجا، قلنا احنا، قال تعالوا، رحنا ثلاثة أربعة، والجماعة السركس جماعة أجابيد جايبين زيارة خصوصية لنا على حساب معرفة اختيارية أهل البلد المعروفين، تعرفنا على بعض وقدمولنا جرة نحاس كبيرة ملانة لحم ورز وسمن وخبر وبيض وجبنة".

بدأ سكان عين حوض بالاحتجاج على استمرار اعتقال ابنائهم وكذلك احتج المعتقلون لدى المسؤولين الانجليز وعندما وعدوا بالافراج عنهم ولاح الامل بذلك في آخر زيارة والا الناس يقولولنا بعوض الله، ايش في يا جماعة، قالوا إنه الثوار قبل يومين ثلاثة تعشوا في البلد ونزلوا على السجن تحت البلد، وفتحوا البوابة والمساجين انهزمت، وظخوا ضابط السجن موسى أفندي وبالحاله هذه احنا اتمشكلنا، والله ما بنستري نوقف قدام جندي انجليزي ونقله بدنا معتقلين، والله بعوض عليك يا بيقتلوك الليله يا بكره، ولولا الله سبحانه غاث البلد بخالد الحسيني<sup>(١)</sup> واللي هو ضابط بوليس مسلم والا كان نسفوها، هاظا أبعد الأثر عن البلد وقرب الافراج علينا".

"ثاني يوم صار إلنا ٢٩ يوم في المعتقل أخذوا اثنين منا على مركز البوليس نساعد في الطبخ ونكنس معهم الدور، قشه نقيمها، وكان في جندي قاعد بيمشط، الله ألهمه سألني من وين انت، قلتله من عين حوض عنليت، قلي اليوم افراج، قلت لمصطفى اللي معاي ابشر اليوم بدنا نروح، قلي والله عمرك ما بتشوف امك وابوك، قلتله والله بأمر الله إلا نروح الليله، الظهر رجعوا جماعتنا قعدوا محلهم، الساعة ثلاثة بعد الظهر فسات كابتن السجن "إمري" والضابط اليهودي، عين حوض، اثنين اثنين، التمام، صار الكابتن يحكي بالانجليزي واليهودي يترجم بالعربي، قال سعادة الكابتن ببشركوا افراج على البيت، وقال انه سعادة الكابتن ببشركو ويقول انه الشارع اللي رصفتوه راح يتسمى على اسمكو عين حوض".

تزايدت فرحة المعتقلين بالافراج، في حين سكان القرى المجاورة استقبلوهم بالترحاب "أفرجوا عنا آخر النهار مع العصر بعد ما بصمونا في العشرة ومورونا، بقا شملنا، وملنا بعد كفر قرع وأهلها نسايبنا، صدق ما لفينا

(١) خالد الحسيني : ضابط بوليس في الجيش الانجليزي، من سكان القدس، قتل غدرا في الخمسينات بنابلس .



عليهم، لو لفينا عليهم كان ذبيحة، وكملنا على قنير، دقوا أهل قنير  
دقة غانمين فينا تنبات عندهم ما قبلناش، قالولنا يا جماعة انتو روحتوا  
وانتو عند أهلكو في بيوتكو، مقبلناش، أسقونا ميه وأعطوا كل واحد بكيت  
دخان وكبريته، وبخاطرك ومع السلامة، وكملنا، ماشين، بعد العصر والا احنا  
بصارين بالحارة القبلية، والا حرمة مليه هالجرة ميه حاملتها على راسها،  
قلنالها يا خالتي اسقينا ميه، قالت إنا تفرقوا على الدور، كنها الولية  
قلتلك هذول ثوار، صرنا نسب على البلد وعلى اللي بدو يشرب من ميتها .

"في اجزم عرفونا ولاد بلاد، ونلفي على بيت واحد اسمه حسبان  
السعيد من عرب الكعبية، وقام قدم لنا هالعش واحترمنا كثير، بقى يا سيدى  
بدنا نروح، قال شو تروحوا ما بتقدروا تروحوا البلد مطوقة والحيش  
الانجليزى نسف دار أحمد عبد المعطي في اجزم، وهذا كان رئيس فصيل مع  
الثوار نسفوا دارو ودور اخوته سنة ٢٧، واحنا قررنا يا بنروح على دورنا  
الليلة يا بنرجع على المعتقل، يا جماعة انتو عند أهليكو عند قرايبكو،  
قلنالنا أبدا، البلاد وساع، معقول كلها مطوقة، وانحط باب الله في وجوهنا  
وشمال على البلد، صدق ما وطننا البلد من قبله في أرض اسمها الخلة والا  
خطيب البلد بقى من كفر اللبد والا هو باذن الصبح والا نسوان البلد أجمل  
السامعين سارحه على الطوابين رايحه تخبز ولاقناهم في الوجه، ابشرى عليك  
يا ام فلان ابنك روح، اخوك روح، بعدين صاروا أهل البلد يتعازموهم  
وانبسطوا بعودتهم".

ويتحدث بعض سكان عين حوض عن ثورة ١٩٢٦ في القرى المحيطة  
بقريتهم "بقى واحد من قرية المزار معروف انه مجاهد، بقى اسمه الشيخ  
فرحان السعدي، هذا طلع قايد فصيل في الثورة، على قول قرايبه لما رجع  
على بلده راح واحد من قرايبه أخبر عنه انو موجود في المزار، قاموا  
الانجليز وطوقوا البلد وفتشوا الدور، قام واحد من قرايبه قلهم انـ  
متخبي في البيت بين القطيع، قاموا عليه اعتقلوه واخذوه طخوه بنفس اليوم،  
ومش بس هاظ، كمان اخذوا الشيخ الحاج حسن المنصور من المنسى من عرب  
التركمان واولاده وطحوهم، بقى الحاج حسن عامل عنده، في البلد محكمه، فيش  
حكم لبريطانيا ايام الثورة، الناس ما كنتش تشكى عند الانجليز، كانوا  
بيجوا للشيخ حسن يتشكولوه، مثلا يحي واحد يتشكى للشيخ حسن بانه فلان اللي  
عنده مصارى، يطلبه الشيخ ويخليه يدفع المبلغ، فلان عمل كذا كذا يطلبه،  
يعنى هو الحاكم والمحكمه عنده، الناس ما كنتش تعترف انو في حكومه، كان



في ثورة هي التي كانت تجوز وتطلق وترسم وتحكم وتنفذ، بعدين تارك الصلاة كانت الثورة تضع حكم عليه كانوا يخلوه يدفع عشرين ثلاثين قرش ما هي المصاري كانت قليلة .

الحرب فاجلت أهالي عين حوض كما فاجلت بقية القرى، ومع ذلك قاتل السكان على قدر امكانياتهم، وهم يعتقدون "ما ثبتت الساحل من حيفا لزرخرون الا عين حوض" ويروون انهم خرجوا للمرة الاولى من القرية عندما احتلها اليهود ثم عادوا اليها، وفي المرة الثانية خرجوا ولم يعودوا وكانت آخر مرة يرون فيها بلدتهم "كان في هجوم فاحش قوي علينا، واخنا كنا جماعة اقلية ما بنعدش خمسين ستين واحد وكانت اسلحتنا تعبانة، بقى عند ما صار الهجوم الساعة ثنتين بالليل، هاجمونا اليهود من جهة الوعر، قوتهم اجت من الجهة الشمالية من جهة وادي فلاح التي هو بينا وبين الطيرة، الحرس التي من هذيك الجهة حس عليهم، وقالوا فيه طقشة ماشية، بس شوف ما شافوا، الدنيا عتمة بس ما يتخفاش في الليل طقشة بني آدم، صاروا جماعتنا يطخوا، ومن الجملة بقى حياة الحاج نجيب احمد قلهم با جماعة بلاش تودروا هالفشكات على الفاضي وهو فيش اش وبنطلع مصفرين ادينا، شو بدك عند ما صارت المقابلة والمواجهة مع اليهود صار ارضاص مثل النجوم يخر والرشاشات يا عمي مثل البارود، شو بدك خشوا بها المنطقة من جهة البيادر وهناك استشهد عطا نجيب الاحمد وكنوا بعدها من الصفحة من فوق على البلد، بقى لمن خشوا البلد، من الجهة الغربية ما حدش كان بيدري عنهم، طبعنا انسحبوا الجماعة للقبيل، وردوا اليهود خشوا البلد من الجهة الشرقية وهناك في اوضة لحياة داود الاحمد بتقابل البلد طلغوا اليهود فيها وبلشوا بالرشاشات رش، احنا انسحبنا هذيك الساعة لواد في الجهة القبيلية وطلعنا من جهة خربة بستان على خربة كحلة بأرض البلد وهناك عشنا في الصنوبر تحت الشجر، طلبنا نجده أجونا من اجزم ومن جبع، الصبح طلعة الشمس احنا واللي اجوا هاجمنا اليهود في البلد، شردوا، غربي البلد غمرزت مصفحة يهودية في خندق كنا فاحرينه في الطريق، دب نزلت فيها، احنا فيش عنا شوفرية ولا حدا حتى بيعرف يسوق الجحش، اجا أخذوها ولاد جبع ركبوها وساقوها وطلعوها، وفي الطريق لبلدهم صاروا العرب يطخوا عليها بيفكروها يهودية، صاروا التي فيها يرفعوا العطات بعدين عرفوهم ودخلوها على بلدهم .



"رجعنا على البلد ثاني مشوار، وكانوا الاولاد والنسوان في الخُرش، احنا قبل كل شي، كنا إمطلعين الحريم والاطفال بره بعيد عن البلد، ظلت عاد هالشباب إللي معهم سلاح، بقى لمن طرناهم هذه الطرة رجعنا استقمنا في البلد مدة بيطلع شهر، بس اليهود قبل ما يطلعوا حرقوا البلد بالقنابل وقتلوا إختيارة كبيرة من سكان الطيرة كانت جاية على بلدنا تزور بنتها مرة الحاج يوسف العبد ولقيناها مرمية على المسطبة، بقى لمن اجينا وقعدنا مدة شهر، الطيرة كانت بعدها صامدة، قاموا شنوا عليها هجوم كاسح، الطيرة بقت مطوقة واليهود راكبتيها ركوب من أربع جهات، وكان أغلب سكان الطيرة طالع منها، طلّعها الجيش الاردني عن طريق حيفا وعلى الحولة، كان الجيش الاردني يفوتوا على الطيراوية يا أبو فلان انت بتعرفش تحارب واوالاتك عندك كمين يقيموا اولاده ويحملوهم بالسيارات على الضفة الشرقية، ومع جهل الناس طلّعت كلها مع الجيش الاردني، صفيت رجال الطيرة لحالها ٣٠٠، ٤٠٠ شاب ومين بدو يعرف يقاوم ويحارب وعيلته مش عنده، خلص كان يرمى سلاحه ويلحق".

"بقى لما صار الهجوم على الطيرة كان عبد الله السلطان هو زعيم الطيرة ومختارها، طلع هو وجماعته والمسلحين كلهم وأجا علينا في البلد، قال يا جماعة راحت البلاد، احنا ظلينا وهمّه نفذوا على اجزم، آخر النهار صارت المدافع تضرب من زوارق في البحر على اجزم لآخر الليل، آخر الليل قاموا اليهود خشوا على البلد وكانت فاضية وما قدروش يخشوها لحد ما طلع الصبح، طبعاً هون ما عدش بصير في رجوع وصار هجوم على جبج وعين غزال ثاني يوم والطيارات صارت تضرب كُن الناس قالوا طيارات عراقية، والطيارات اجن من مغرب وشرقن وعاودن عربن وصارن يضربن على اجزم وعين غزال حتى دمرن البلاد، الناس طببت فيهن الروحة طلّعت وصارت تنفذ قوافل قوافل أجت على صبارين من شرقة وكمّلت على أم الشوف وخبيزة وعلى عارة وعمررة ونفذنا على هاي البلاد اشى طب في جنين واشى طب في اليامون واشى في بعبد واشى في العراق وسوريا".

ويقال بأن الجيش العراقي قام بترحيل الفلسطينيين بسيارات الى العراق "هاي جبج وعين غزال الجيش العراقي شحنوا أهلها أخذوا الختيارية والحريم والاطفال، الشباب ظلت هون في منطقة عارة قال علشان يقاتلوا وكلها خيانة بخيانة، والا هذا فوزي القاوقحي هذا خاين ابن خاين نهب البلاد، واليهود جابوه علشان يسلمها وفعلا جابوه فوق دبابة وسلم الطيرة، قيادة البلاد كلها بقت خاينة".



يقول أهل عين حوض بأنهم خلال معارك عام ١٩٤٨ شكّلوا "لجنة دفاع" خاصة للدفاع عن البلدة، كان يرأسها الشيخ داود الاحمد، والحاج نجيب الاحمد، والشيخ رشيد عبد السلام، والمختار أحمد المحمود، وعبد الهادي حسين، وأحمد عبد السلام، وقد اختلفت اللجنة فيما بينها بشأن البقاء في البلدة وعدم قتال اليهود أو محاربتهم والتصدي لهم وكان القرار لصالح القتال "النتيجة انهم كلهم بيدهم يحاربوا، مين أعقل واحد في بلدنا، أنا كذب ما بحبّهوش ولا بكذب، أحمد عبد السلام هذا كان ساكن في حيفا، الله يرحمه، قبل ما أخلق، طلبوا أهل البلد نصيحتة، قلهم يا عمي حيفا أكبر مدينة في فلسطين دخلوها اليهود، والظيرة بعد حيفا مدينة ثانية مطوقة، وبعديين احنا قلال وقراب ومانناش قدره، وقلهم بارودة مش نافعة بتقدرش لليهود، نط اختيار قله انت حميدي، نط واحد ثاني قله انت سمسار وخرى، وهذه القضية سببت مشكلة بين الاهالي، وأضعفت قوتهم، وعندما خرج سكان عين حوض خرج معهم الى منطقة جنين ورفض أن يعيش مع أي منهم "احتفظ بقيمة حتى بعد الهجرة، واللجنة كانت مقسمة اشى بدوا يحارب اشى جاهل، اشى متعقل، بارود خربان وذخيرة ما فيش على ايش نحارب".

ويقول الاهالي بأن عملية الخروج من عين حوض والقرى المحيطة سبقها مشاورات متواصلة بين العقلاء والحكماء والوجهاء في هذه القرى "في سنة الهجرة محمود الماضي ودّا لأهل بلدنا ولجبع وعين نزال وأم الزينات وأهل اجزم والعرب اللي حولها، وجمعهم في بيّارته، سأل مختير البلاد، قلهم ايش رايبكم في اللي بصير، كلهم قالوا بدنا نحارب، عين حوض بدنا نحارب، عين نزال بدنا نحارب، أم الزينات بدنا نحارب، ويقال بأنه محمود الماضي سكت لما سمع قرارهم، بالله بالنبي بالقرآن يا محمود أفندي تحكي رايبك مثل ما حكينا رايبنا، قلهم يا عمي بدالله مع الجماعة، خليني أعقل واحد لكن ستن اختيار أعقل من واحد، المهم أصروا عليه يحكي رايب، قلهم بتشا وروني وبتطاوعوني، قالوله انت أبو البلاد، انت حاكم البلاد واحنا تحت أمرك، قلهم نصيحة لله كل ناس يتروح على بلدها، والسلاح اللي عندهم يحطوهن في محل ويسكروا عليهم الباب، وكل بلد بيحي عليها يهود تسألوهميش خلتهم مارقين بحالهن، بعد جمعة جمعتمين اذا أجا الجيش العراقي وجاب مدفعيية وطيارات وسلاح، ساعتها محمود الماضي وممرته واولاده واختيارتنا ونسوانا قدام الجيش، لكن اذا ما أحاش سلاح وجيوش تساعدنا مانناش قدره نواجه اليهود".





ويقال بأن هذا الموقف أثار الضجة على محمود الماضي حتى أن أحد الإهالي لقي مصرعه "هذا واحد أصله من دار أبو خليفه من كفر لام وكان ساكن في اجزم، ثاني يوم صار يقول أنه محمود الماضي خاين، محمود خارجي ورَمَى السلاح، والا ابراهيم الناييف أخو محمود مَوْجِه حَطَّ الطَّلَق في أبو خليفه الظهر الحمرا في نُص اجزم".

ويقال بأن محمود الماضي<sup>(١)</sup> ظل في حيفا ولم يخرج منها وفتح هناك مكتبا للمحاماه، وبعد حرب حزيران ١٩٦٧ التقى ببعض رجال عين حوض وقال لهم "لو بدى أطلع مثلكم وأتيس الملك عبد الله من حزبنا بيحطني وزير في الاردن، لكن مصريات عبد الله بيجن مية ليرة شو بَعْمِلين في الغربية، وفي سوريا كمان باخذ منصب مليح كنت أنا والحاكم ولاد مدرسة وكمان حاكم لبنان، والله ما بطلع من بلدي لو ما القاش حراث والله لامسك كابوس الحراث واحرث بايدي".

وبعد الخروج من القرية، اضطر السكان للهجرة الى الاماكن التي رأوا فيها أمنهم، لكن غالبيتهم هاجرت الى منطقة جنين وواصل آخرون هجرتهم الى اربد في الاردن "بعد ما سقطت البلد في الاول حملنا حالنا واشي راح منا على الدروز، اللي هرب عنزاته وفراشاته وحظهن عند صاحب إله في الدالية، وهذول مش كلهن واحد، مثلنا في العاقل وفي الأدمي، صار العاقل يقول والله اليهود سألوا اليوم عن فلان، في عنده باروده وسين، بيقولوا جاينين ذابحين واحد بالمطرح الفلاني، دبوا الرعب في قلوب الناس صاروا يسحبوا على مراحل، وآخر ناس طلعتنا كنا احنا، جينا على منطقة جنين على عارة كانت معقل للجيش العراقي، وصلنا عارة الصبح كنا نلقى في الطريق ناس ميتين، ناس رامين فراشهم، إشوية والا جندي عراقي جاي علينا لابس فيصالية ولايس شرط ويصطاره بدون جرابات سألني عيني من وين انتو جاينين، قلنا له من الساحل، قال لا تخافو لا يهكم شي، انشالله ترجعون لبيوتكو، بعدين قال رويدوا للمدرسة في البلد، هناك أهل البلد كانوا بيوزعوا أكل على الناس اللي وصلت، هذا يطلع له فقوسة ونص رغيف هذا حبة بندورة، الجوع قتلنا، بعد شوية صاروا أهل البلد بدهم يشتروا بواريدنا، يا أخ تببيع هالبارودة، النتيجة هذا يبيع هذا يشتري، بعدين صاروا أهل البلد يضايقوا الناس، ان قعدتلك

(١) محمود الماضي: كان له مكتب محاماه في حيفا، وكان مهتما ببيع وشراء الاراضي وذكر بأن أحد أجداده كان له "مشنقة" لعدم فيها من يشا من فلاحي اجزم بقضا حيفا.



تحت ريتونات كين قالوا يا عمي انت بتضهرن، ان قعدت تحت تينة يقولوا انت بتخربها، وين بدنا نروح، قامت العراق بدت بمشروع بلشوا يوخذوا النسوان والختيارية لبغداد، والشبيبة اللي حاملة سلاح تبقى، بعدين الجيش العراقي أخذ أسلحتهم وصار كل واحد يلحق جماعته، ويذكر إنه المناضلين العرب راحوا على مستعمرة عتليت جابوا ٢٠٠ نعجة من عند اليهود وسحبوهن لعارة، قام الجيش العراقي رجعهن لليهود بسيارة بيضا عليها علم هيئة الامم\*.

ونتيجة للوضع غير المستقر في قرى عارة اضطر الاهالي الذين وصلوا اليها ان يغادروها تباعا، وتعرض بعض الرجال الى سرقة أسلحتهم "انهزمتنا من عارة هزيمة وجينا من طريق خارجية على بلدة عين السهلة القريبة من بعبد، لقينا أربع خمس زلام واقفين بالطريق ومفرقين هون وهون، اخذنا اختشنا منهم كان معنا بارود شغل الماني ١٥٠ طلقة في الدقيقة، قلنا للناس اللي معنا كل واحد يحتاط على بارودته، الهوى بخفاش، بدهن يشلحوننا البواريد، لما وصلنا لعندهم قالولنا تبيعوا البواريد يا عمي، هاي العراقية في جنين بيوخذهن من الناس بيشلحوكم اياهن ببلاش، المهم نفدنا لما شافوا سلاحنا أنظف من سلاحهن وشخصيتنا بقت أقوى، وصلنا بعدها بلدة العرقة عند جنين وكملنا على اليامون في إلنا فيها قراب، قعدنا فيها مدة مليحة، صارت اليامون تضايقنا، إجانا الجيش العراقي كانت قيادته في ترسيلا (١) وكان المسؤول ضابط اسمه عدنان، هذا زلمة آدمي، المهم صار يقول ممنوع بظل معكو بواريد ولازم تسلموهن\*.

استمر هذا الوضع حتى بداية الخمسينات، وقد رفض العديد من الشبان تسليم أسلحتهم على أمل أن تكون هناك حربا أخرى يستردون فيها أرضهم\* في الخمسينات وفوق صارت تبين الحقائق أكثر، صرنا نبيع هالبارود بدناش اياه، احنا بلدنا راحت واللي إله بلد يروح بوخذها، هسه بدنا نستقبل بطلنا نقاتل لما شفنا القيادات الكبيرة خذلتنا وبوضعها هاظا\*.

يرتبط سكان عين حوض على اختلاف أمكنة نواجههم روحيا بمقام "أبو الهيجا" الذي يقع على مقربة من قرية كوكب أبو الهيجا في الجليل، وفي عام ١٩٧٦ قام عدد من الاهالي بجمع التبرعات اللازمة من دار أبو الهيجا

(١) ترسيلا : مركز للجيش العراقي كان على رأس تلة بين قرى عتلة وعذرة وجبع في جنين\*.

وعملوا على ترميم المقام، ويقوم الاهالي بالغالب بزيارة لهذا المقام في فترات متفاوتة من السنة وكلما سحت الفرصة بذلك .

منذ عام الهجرة، غادر جميع سكان عين حوض بلدتهم، ولم يبق منهم أحدا على الاطلاق في القرية، ورغم أن غالبيتهم العظمى استقرت في مخيم جنين ومخيم اربد الا أن بعض الاسر ظلت في القرى العربية المحتلة منذ عام ١٩٤٨، وحافظت عائلة واحدة على وجودها بالقرب من القرية، وعاشت منذ عام ١٩٤٨ في منطقة تسمى الوسطاني وتبعد عن مركز القرية حوالي ٣ كم، ورغم قرب هؤلاء على قربتهم الا أنهم لا يستطيعون العودة اليها والسكن فيها، وقد كان عدد العائلة عند الهجرة حوالي ١١ نفرا بينما يبلغ تعدادها اليوم حوالي ١٥٠، ومع الزمن بنوا منازل لهم ومدرسة للطلاب وجامع وشكلوا قرية صغيرة، أما سكان عين حوض الذين وصلوا الى منطقة جنين فغالبيتهم عاشت في المخيم القريب من المدينة سنة ٥٦ أما مدير المخيم وكلفنا نرحل من اليامون للمخيم، وغالبيتنا اطلعنا مع بعض، في ناس طلعوا على الكويت وثلاث أربع عيل على سوريا والعراق، وفي كثير في مخيم اربد .

ورغم تواجد الاهالي في مناطق منتشرة الا أن علاقاتهم لا زالت وطيدة ويترددون على بعضهم البعض، ويتجمعون في مناسبات الافراح والاتراح ويشاركون بعضهم في افراحهم وأحزانهم سنة ٨٢ واحد من دار أبو الهيجا عمل حادثة دعس في السعودية كل دار أبو الهيجا التي من عين حوض كمواضع مصاري عشان بدفعوا الدية، واحنا هون في المخيم لحقنا الدفع، وكل عيله دفعت نصيبها .

حافظ السكان قبل هجرتهم على أن تكون علاقات الزواج بين بعضهم البعض بنات عين حوض الوحيدة لابن عمها، تلد هسه انشا الله ويكون ابن عمها اختيار بيستهاها، ليش تطلع بره وتوخذ غريباً أما اليوم فقد اختلف الوضع صاروا بنات عين حوض يتحوزوا من وين مكان، صرنا بعد ٤٨ نللمم عن جنب وطرف .



ABSTRACT

Ein Houd

This is the first in a monograph series about Palestinian Arab villages destroyed by the Israelis between 1948 and 1952.

Before 1948 Ein Houd was an exclusively Arab village. In 1945 Ein Houd had a population of 650 people who owned 12605 Dunums of land, about half of which was cultivated.

In 1949, after the Arab population were driven out, a Jewish settlement was established on the location of Ein Houd. Most of the Jewish families settling in the new settlement, renamed "Kfar Omanim" i.e. "Artists' village", were families of European Jewish painters, sculptors and art dealers. Several of the village houses were turned into souvenir shops, the village cemetery into a children's park and playground, and the village mosque into a bar and restaurant.

This monograph is a short ethnographic record of Ein Houd as it existed in the 1940's. The ethnographic record presented here was gleaned from a large amount of data collected through interviews with Arab "refugees" from Ein Houd who left the village when they were at least in their twenties, and thirties in 1948.

The "Ein Houd" monograph attempts to document and preserve for posterity the unique character of Ein Houd by reconstructing three broad aspects of this community as it existed in the 40's:

- 1 - The physical structure and layout of the community.
- 2 - The kinship network, with numbers, names, and geneologies of each kingroups in the community.
- 3 - A brief ethnography of the unique sociocultural flavor of the community including folklore, inter-hamula relations, economics, education, health practices, and intra and inter-village politics.

The composite picture, emerging from these three aspects, is supplimented by a short historical introduction and a short account of what has become of the location and the inhabitants since 1948.



